

مینا فایز

# الکائن الفایساوی

القادم من زمل



دار لیلیان کورب  
للنشر والتوزيع

175.59

الكائن الفايساوى القادم من زحل  
مينا فايز

كيان كورب للنشر والتوزيع

دار ليلي

© جميع الحقوق محفوظة، وأي اقتباس  
أو تقليد أو إعادة طبع - دون موافقة  
كتابية - يعرض صاحبه للمساءلة  
القانونية

**الكتاب:**

**الكائن الفايساوي**

**القادم من رحل**

**المؤلف:**

**مينا فايز**

\*\*\*

**الغلاف:**

**محمد محمود**

\*\*\*

**الإشراف العام:**

**محمد سامي**

\*\*\*

المهندسين-12 شارع أحمد عرابي-الدور 3-مكتب 8

هاتف: 23885295 (012) (002)

البريد الإلكتروني: mail@darlila.com 2 الموقع الرسمي: www.darlila.com

مینا فایز

الكائن الفایساوی القادم من زحل

دار لیلا کیان کورپ  
پبلشرز



## مقدمة

انا اسمى مينا فايز " كائن فايساوى " قادم اليكم من كوكب زحل..  
فايسى هو اسم الشهرة الخاص بيا عند كل اللي يعرفنى ويقرب منى..  
وبما ان الكتاب بيعبر عن الكائن الفايساوى وافكاره ومشاعره فكل اللي  
هيقراً الكتاب هيكون قريب منى كفاية ودة سبب تسمية الكتاب ب "   
فايساويات " عشان بعد قراية الكتاب هنبقى انا وانتا اصحاب جدا..

اما بخصوص موضوع كوكب زحل لانى وانا صغير كان نفسى ابقى زى  
نجمة من النجوم واشوف الارض من فوق اوى.. بمعنى اصح كان فى رغبة  
جوايا انى اسافر فى الفضاء الواسع بدون قيود وهاجر كوكب الارض اللي  
كان بيبان ملل ومرهق ومقيد من وانا صغير... ولما كبرت عرفت اننا عندنا  
القدرة نروح اى مكان ونسافر فى اى حطة من خلال احساسنا واحنا  
بنكتب..

كنت حابب انى بعافر عشان افكارى تتولد فى كتاب من خلال تزاج  
قلم وورقة.. بحاول فى الكتاب دة ان بنات افكارى تغازل عيونك  
وتحبها.. ولن تكون محاولاتي الاخيرة..

مش مهم الفصول مكتوبة بالعامية او بالفصحى.. انا مفكرتش فى اى  
قيود شكلية على افكارى.. جمال الفكر فى حريته.. انا كتبت زى منا

حاسس وزى منا عاوز.. وبراهن ان دة هيخليك وانتا بتقرأ الفصول  
حاسس بحرية وعفوية وكأنك قاعد معايا فى كافية والكلام هياخدنا  
لدرجة انك ممكن توصل لنص الكتاب فى قعدة واحدة..

كتابى الجديد هو محاولات جديدة من اعماقى للخروج على السطح..  
اتمنى ان محاولاتي تكون اقراص تتناولها باستمتاع وانتا بتقرأ وتخليك  
قريب من اعماقى ومتحاور مع افكارى وتزيد من ضربات قلبك ضربات  
زيادة توازى الاحلام والمشاعر والتأملات الموجودة بالكتاب..

ارجو التعامل مع صاحب الكتاب على انه شخص عادى بعيد عن  
المنطق والفلسفة والروتين وانه مجرد شخص بيحاول يفكر ومستمتع  
بالرقصة الحميمة مع الكلمات..

من الجميل اننا نمش ارواحنا براح للانطلاق بدون قيود من العقل..  
من الجميل اننا نشد الشروق من الشمس ونسرق النجوم من الليل عشان  
خاطر نحلم مهما كانت العتمة.. من الجميل اننا نحاول مهما انكسرنا  
ومهما اتجرحنا لان المحاولة فى حد ذاتها انتصار لمعنى الحياة جوانا..  
الكائن الفيساوى الزحلى هو كائن بيدعوك لشروق الارواح على عالم متفتح  
من الافكار والتأملات والافتراضيات..

استمتعوا ب " شروق الروح "



# عالم زحل

## العالم الافتراضي

العقلاء فقط هم من لديهم عالم افتراضى موازى للواقع يحلموا فيه  
كيفما ارادوا

هادى الطباع مجنون احيانا وعاقل اغلب الوقت.. وقد نختلف فى  
النسبة ما بينهم لو كنت تعرفنى.. ولكن اية هى حدود معرفتك بيا؟!..  
إلى اى مدى انتا مدرك لكل خلية تفكير فى عقلى ولكل خلية مشاعر فى  
قلبى؟!.. بالتالى حكمك عليا مهما كانت درجة قربك ليا غير كافية  
لمعرفة الحقيقة الكاملة.. لكن مش دة السبب الرئيسى فى عدم ادراكك  
الكامل.. خلىنى اعرفك على العالم الافتراضى الخاص بيا الموازى للواقع

السما عبارة عن اقواس قزح متداخلة فى بعضها والسحاب فراشات  
ضخمة ولكن مش مخيفة ابدان لان الوانها المبهجة مع الوان السما مريح  
للقلوب المرهقة من كل شئ صعب وكأنها بتمتص الحزن فى القلوب وتعبى  
اماكنهم باحلام جديدة.. مافيش شمس وقمر لانى مش محتاجهم بس  
مش معنى كدة ان الكوكب مظلم.. بالعكس الكوكب طول الوقت منور

عشان النور الحقيقى بيخرج من شفايف البنى آدمين اللى على الكوكب  
وما اكثرهم.. كل الوشوش بتضحك وما فيش وش مكرمش من الزعل ولا  
تلاقى فى اى وش تجاعيد ولا حتى فى قلوبهم وعيونهم المبسوطة بتزود  
البهجة فى المكان والنور عمره ما بيغيب وكأن الحزن مرفوض.. وكأن  
العممة غاز ضار مطرود من المجال الجوى..

الارض فى العالم الافتراضى بساتين ورود من اندر واجمل الانواع..  
وما فيش فى الارض شوك يجرحنا وبتجرى ارواحنا فى الارض بدون  
خوف.. اللى بيطيروا دول من بعيد مش عصافير دول على فكرة بشر..  
احنا مش محتاجين لمواصلات عشان الكل هنا بيعرف يطير.. الكل هنا  
بيضحك وبيطيير.. الكل هنا بيقدر يلمس السما وينط من فراشة للتانية  
اقصد يعنى من سحابة للتانية..

الالوان هنا كلها فاتحة... محدش بيلبس الوان غامقة.. مثلا ما فيش  
هنا لون رمادى ولا انك تكون عايش متعلق ما بين الاستمتاع والاستسلام  
لانك هنا هتلاقى حلمك الشئ السهل الرايق البسيط اللى بيحى زى ما فى  
خيالك بالظبط.. ما فيش هنا لون اسود عشان اصلا محدش شافه قبل كدة  
لان الليل عمره ما زارنا ولان كل الفرع فى كل مكان ومحدش بيحب  
العممة..

هنا ما فيش عواجيز اصلا العجوز مش بشعره الابيض لكن العجوز هو الشخص اللي شاب قلبه مهما كان عمره.. وهنا القلوب شباب على طول وكلها امل فى بكره.. وهنا الكلمة الطيبة والدعوة الصادقة بترن فى ودانك من كل اللي حواليك محدش بيخبي احساسه ومحدث بيقلل اهتمامه ومحدث بيفكر يجرح حد بالعكس بنخاف على بعض وينحب بعض بدون اى شوايب لان الكل هنا مثالى

هنا مش محتاج تعافر عشان بس تلاقى فرصة ولو على سبيل الصدفة.. هنا بتلاقي الفرص جاهزة والتشجيع موجود والمكافاة مستنيك عند خط النهاية وبتنادى عليك باسمك وكأنها عارفة مشهد النهاية السعيد.. هنا البنات اللي بتحبها بتحبك وهنا الولد اللي بتحبيه بيتقدمك من غير قلق من مارد الظروف ومن مارد تغيير المشاعر ومن مارد رفض الاحساس.. هنا لو حتى لم يكن زمن الحب فالزمن فى العالم الافتراضى يتغير عشان يخلي الحب ممكن

شبعنا من المثالية؟! .. اضايقت من عدم واقعية المشاهد؟! .. مختلف معايا فى العالم الافتراضى الخاص بيا؟! .. عندك حق.. العالم الافتراضى هو خيال شخص الى حد كبير وحتى مسمى " موازى للواقع " مناسب لدرجة ما لانه عمره ما هيتقابل مع الواقع فى نقطة مشتركة بعلم

الرياضيات اللى كلنا درسناه.. لكن..

وجود العالم الافتراضى ضرورة للهروب من الواقع لان الهروب فى بعض الاوقات شفاء للارواح والقلوب المرهقة.. وجود العالم الافتراضى وسيلة لاكتساب قوة وشجاعة داخلية لانك تحلم من جديد بكل امل وتحاول اكثر فى واقعك... وجود العالم الافتراضى مخرج لاحساسيس منقوشة فى جدران قلبك لاطهار رغبة مكبوتة من ضغوط العالم فى اكتشاف حقيقة ومعنى التواجد المثالى مع الله

## الله حاضر

لما تعاني من بهتان الضحك في القلوب ولما تبعد عن الحاجات اللي بتفرق والحياة تكون فاترة ولما يكون الحب مليان بالخوف ولما يكون الحزن ما بيظمنش يبقى انتا محتاج لانك تشوف من جديد.

لما توصل لنص السكة في سيناريو قصة حياتك وانتا حاسس بالتوهان اوعاك تتردد لحظة في انك ترجع لنقطة البداية.. والرجوع مش رجوع بالزمن لان دة مستحيل لكن انك تزود مساحة الكادر لعيون القلب والعقل عشان تبان التفاصيل اوضح.

مشواره المعتاد وسط الخضرة مع رحلة يوم جديدة والبال مشغول بزحمة مليانة بتفاصيل احلام مهمة والقلب حاسس بقرب شبه البعد من ناس كتير حواليه لان القرب بيكون امان وهو خايف.. المشوار المعتاد كان بنفس الدوشة وجواه كام واحد بيتكلم وما فيش حد بيسمع للتانى.. لكن على الاقل المرة دى كان كلهم جواه متفقين ولاول مرة على سؤال واحد وهو "ازاى يشعر بالله؟؟" ..

الفكرة مصرة على اقتحام المشهد على حساب باقى الافكار لتحتل

المسرح وتجذب كل الانتباه ليها.. " ازاى يشعر بالله؟؟ " ... بما انهم علموه من صغره بان الله يستمع لكل نبضة قلب شائلة جواها صلاة.. قرر ان قلبه وهو ماشى فى مشواره النهاردة يصلى وان عقله يعزل عنه كل الدوشة اللى جواه... والعالم اختار ان يشارك عقله الهدوء عشان صلاة قلبه..

لحظات من الهدوء مافيهاش الا نبضات قلبه اللى حاسس بقوتها ما بين ضلوعه فى الدق وكأنها ملهوفة تنطق بمشاعرها وكأنها بتخبط على باب السما عشان تنفتح ليها آذان الله.. قد اية كانت نبضاته مشتاقة للحديث مع الله من زمان بدون دوشة عقله

يغمض عينه عشان يشوف بعيون خيال قلبه.. يمشى وهو بيحرك ايديه على سنابل القمح اللى كانت بتميل ناحيته بقصد وكأن فى مغناطيس ما بينهم.. العين مغمضة لكن الايديين شايفة.. اللمسة بتنقل صورة مختلفة جواه من الحب وكأن الله يتكلم من خلال سنابل القمح.. كأن السنابل بتنقل مشاعره لآذان الله وعشان كدة هى مايلة ناحيته بقصد.. شعور غريب وجايز يكون مجنون لكنه مريح.. نعومة ملمسة السنابل بتنقل جواه طبطبة على قلبه عشان يحكى اكثر ويفضض اكثر.. وكأن الله حاضر وسط سنابل القمح

نسمة هوا تجرى بعفوية فى قلب المشهد وتختار وشه عشان تلمسه  
بمنتهى الرقة.. حسها كأنها ايدين امه على خده زى زمان لما كان عيل  
لسه ويبعيط.. لما كانت متعودة تجرى عليه لما يزعل وتمسح دموعه بنفس  
حنان لمسة الهوا.. اللمسة فتحت عينيه من جمالها فى لحظتها لكن  
فضلت الايدين فى رقصتها الحميمة مع سنابل القمح.. حس بانها كانت  
لمسة من الله يحسسه بيها بالامان بانه هنا معاه فى المشهد..

ولانه شكاك بطبعه ولان نسمة الهوا لحظتها انتهت بسرعة رجع  
حس بالخوف من جديد.. لكن الشمس تتسحب بدون ما ياخذ باله من  
سيناريو الله وتترسم فى الاول بلونها الذهبى على سنابل القمح عشان  
تنور المسرح بالبهجة ويكبر براح نورها سريعا سريعا عشان ملامحه هى  
كمان تترسم عليها الشمس.. على قد الوحشة للدفا كان حجم حزن  
الشمس كبير اوى للامحه.. والحقيقة ان اكبر مكان كان مشتاق للدفا هو  
قلبه.. قلبه اللى ياما عاش لياى هربان من الحياة عشان كان شايف ان  
الحياة بستكثر عليه قفلة للحدوتة بمزيكا وضحكة.. ابوة كان الشمس  
قوية كفاية ان الدفا اللى فيها يوصله ويحسسه بان قلبه قادر ينتصر  
ويشرق من جديد على احلام جديدة ويرجع تانى يرغب فى الحياة..  
اول حد يقابله من بنى البشر جوة المشهد كان طفل صغير.. وشه

عبارة عن ضحكة والوان.. جايز تكون الالوان اغلبها مائلة للون الاخضر الغامق " لون طين الارض " لكن الاكيد ان لون ضحكته كان ابيض زى قلبه.. الهدوم الغرقانة فى الطين جايز بتحكى عن الشقا والمجهود الكبير اللى عمله من اول اليوم لكن الضحكة المرسومة برغم كل حاجة بتحكى عن ربيع قلب عمره ما غاب وعن ارتباط بالسعادة عمره ما انتقطع بسبب اى شئ.. كان الطفل بيضحك له ببشاشة وبعفوية من غير ما يعرفه.. شاف فى الضحكة انها شبابيك على بكره مفتوحة بدون قلق وبدون خوف عشان تدخل الامل فى قلبه عشان يؤمن بان الله هيكون موجود جنبه بكره زى ما كان موجود النهاردة بس هو يضحك بايمان.. الله حاضر فى قلوب الاطفال عشان هما بيسمحو الله بالتواجد بدون ما ينشغلوا عنه بهموم ملهاش قيمة قدام تقنهم بعناية الله المؤكدة بيهم.

المشهد ما بين احضان سنابل القمح مع نسمة الهوا اللى بتجرى على وشه من وقت للتانى تحت نور الشمس الدافية مع صوت ضحكة الولد الصغير حاضرة وموجودة جوة باله اللى كان زمان دوشة.. ايوة كان زمان دوشة لان دلوقت اللى جوة باله كان مزيكا.. مزيكا عمره ما سمعها عشان هو محاولش يستمع ليها من قلبه.. مزيكا بتحاول تظهر كتير اوى على المشهد لكن كان بيتجاهلها ساعات بقصد وساعات بدون قصد.. مع انه



مدرك للتعليم فى الكنايس بان السما مليانة بترتيل الملايكة وبان فى  
القداس طقس ملين بالالحن ومع انه مدرك بان الدعاة فى المساجد  
بيتغنوا بالقرآن والادعية بتتطلع من القلب ممزوجة بموسيقى جوة  
نغماتها الايمان بالله لكن عمره ما حاول يدور على الله فى المزيكا الموجودة  
فى الدنيا..

لكن دلوقت بقى شايف من جديد بعد ما استجاب الله لصلاة قلبه  
بمنتهى البساطة.. وفى اخر اليوم خرج ورقة وقلم وبدأ يفكر ازاى ينقل  
لغيره فكرة عن الشعور بالله؟؟.. بص فوق للسما لكنه كان فى وقت الليل  
والمشهد كان فى نور الصبح.. يا ترى هيعرف ينقل شعوره المبهج وسط  
عتمة الليل؟!.. لكنه فهم لما بص مرة تانية للسما وشاف فى قلب عتمتها  
احساس جديد بالبهجة والسعادة.. اصل لولا عتمة الليل ما كانت للنجوم  
قيمة وبهجة.. ومع كل نجمة فى السما افكر كل لقطة فى المشهد خلته  
يشوف الحياة من جديد

## الكائنة فى زحل

صادقة.. بسيطة.. ضحكها حقيقية ونقية.. كل حاجة فيها تحسها كأنها زى ما خلقها ربنا.. لو البنى ادمين الوان فهى الابيض.. مافيش قشور ومافيش ماسكات.. هى صريحة وملامحها مرسومة بالحقيقة دايمًا.. عيونها مبتخبيش عنك لكن بتحكى ليك وتفضفض..

جايز تكون بتخاف ساعات عشان الحياة اوقات بتخوف لكن هى من جواها مؤمنة اوى بربنا وبالحب وبالخير..

حرة ومينفعش تبقى مسجونة لفكرة او لشخص او لقيود اجتماعية سخيفة.. احترامها لنفسها هو سر قوتها ونفس الوقت هو سبب حريتها..

معندهاش اسوار فى الحب.. عندها اسوار تحميها من الناس بس مش من حبيبها.. روحها مش ثقيلة.. وجودها دايمًا بيريح.. ومسافاتها مش بعيدة لما تهرب.. بتهرب عشانها وعشانك مش بتهرب منك لان فى فرق كبير اوى فى حقايق الهروب اللى بنحتاجها اوقات..

مش هقول واضحة لاننا كلنا فينا نسبة غموض بس غموضها مش

بيقلتك.. الجمال اللى جواها بيجذبك انك تكمل.. ضحكتها دايمًا حلوة  
تشبه قلبها.. عشان وقت ما الدنيا تسود اوى هتلاقى فى ضحكتها نور  
بيقولك اظمن بكرة احلى.. عشان هى هتبقى موجودة بضحكتها عشانك  
بكرة..

نوقها فى اللبس مبهج لان الوانها دايمًا مبهجة وبتسمع القديم من  
عمرو وفى اغانى من منير بتكبر معاها وعاشقة لفيروز وحليم ومعهدهاش  
مشكلة تسمع اى اغنية تانية بس توصل لجواها اصلها مبتحبش الدوشة  
فى المزيكا زى اللبس.. بصراحة هى انيقة فى كل حاجة حتى فى طريقة  
كلامها..

مثقفة وبتقرا عشان تكبر وعشان تحلم وعشان تغنى ومهما كان جمال  
الروايات اللى بتقراها بس فى الحقيقة حواديت عينيها امتع..

روحها دايمًا طيارة وبتترف فى وقت غيابها حواليك بصوتها وبرنة  
ضحكتها وبكلامها وبعينيها.. حاجات كتير اوى فيها بتأخذك لقوس  
فزع بيظمنك وقت ما تبقى محتاج لعلامة تظمنك..

مش مترددة فى انها تقولك كلام حب وسط الناس كلامها دايمًا  
حضن.. مش مترددة فى انها لما تزعل تعاتبك.. بتحب الوضوح اوى  
ومتفهمة لقد اية ان التوهة متعبة للروح.. عندها دايمًا احتواء لىك مهما

كان حجم غضبك او حجم خوفك.. العلاقة دايمًا مش مرهقة.. العلاقة  
دايمًا بتقويك حتى وقت ما تكون المشاكل موجودة والخلافات حاضرة لكن  
العلاقة دايمًا بتكون باقية

عندها ثقة فيك مهما كانت الدوشة لانها واثقة فى جمالها وواثقة  
اكثر فى قوة مشاعرك.. عندها ايمان كافى انك بتحاول عشانها حتى لو  
محقتنش.. حتى لو موصلتش دة مبيغيريش ايمانها فيك وفى حبك. ■

الكائنة فى زحل قد تكون حقيقية للبعض وقد تكون مش موجودة فى  
الوجود للبعض الاخر بس فى النهاية يفضل دة حقيقة الجمال الصادق  
وحقيقة الحبيبة اللى بجد

## جواده الخشبى يطير

هى من اصحاب القلوب الحالة لا يليق بها الحداد.. عندما تحزن  
تحلم ومن الاحلام تخرج اطفال تضحك وتهرب لخيال افضل.. هكذا  
تعيش وهكذا تمضى ايامها.. تبدو مرتاحة لما هى عليه الآن.. تكره كل ما  
هو عادة ولكن تحب ايضا كل ما هو بسيط.. تضحك فى كل الاحوال.. لا  
تخشى ان تفقد احد لانها لا تقترب كثيرا من احد ولهذا هى قوية معظم  
الوقت وان كان البعض يرى فى ذلك قسوة فهى لا تهتم.. لا تتأقلم كما هم  
يريدون بل تترك العالم ليتأقلم معها اذا اراد

هو من اصحاب القلوب الحالة لا يليق به الحداد ايضا.. عندما يحزن  
يأمل فى غدا افضل.. الشمس لن تغيب مطلقا هكذا هو ايمانه وهكذا  
يعيش وهكذا تمضى ايامه.. يرى فى الابتسامة معنى الحياة.. يهرب الى  
الخيال عندما لا يضحكه الواقع.. فالخيال ما هو الا تحايل على الواقع  
لنفوز بكل شئ.. يراه الجميع قويا ولكنه يعلم انه ليس كذلك بعد..  
القوى هو من ليس لديه اى شئ ليخسره.. وهو مازال يتعلق بالآخر  
ومازال يبحث عن الجمال الداخلى ليقترّب أكثر.. وعندما يصدم لا

يضعف امام العالم ولكن بينه وبين نفسه فى زاوية ما يحزن.. لكنه لا يهزم ويضحك من جديد ويحاول اكثر..

هى ترى ان كل الرجال سيمتطون جياذ خشبية عندما يتقدمون اليها.. قد يكونوا من اعظم الفرسان ولكن هى ليست ببساطة اميرتهم.. سيزعجها الضجيج ولن ترغب فى مبادلة الشاعر.. هى لا تبحث عن التباهى بعشق لا مثيل له ولا ترى فى الحب خلاص من اى شئ.. بالعكس قد تضعف حينما تحب وهكذا لن تجد الراحة كما اعتادت.. لهذا فهى امرأة صعبة

هو رجل سخى فى كل شئ عندما يهتم وعندما يساعد وعندما يرغب.. هو سخى فى ايمانه واحلامه.. وعندما يحب سيقدم ايضا السخاء فى مشاعره.. السخاء العشى الذى لن تشبع منه حبيبته ابدا.. سيخلق بها الى اعلى السموات والمشاعر المتفجرة ستكتب بحروف من ذهب فى حواديت الاساطير.. هو لا يبحث عن التباهى بانه العاشق الفريد من نوعه ولكنه صادق فقط والحب اصدق معانى الوجود.. والحب كذلك جنون.. فمن صدق حبه سيكون مجنونا

القلوب الحاملة فى الواقع تقابلت.. هو احبها وهى لم تحبه.. ولكن

لماذا؟

ضجيج الاحداث يطفو على المشهد ولكن الحقيقة تبدو سهلة.. لا يولد حب بدون مسافات.. تلك المسافات هى التى تخلق الحالة الفريدة التى تحرك المشاعر المستترة واللهفة الغامضة.. تلك المسافات التى تخلق الاسئلة الباحثة فى الاجابات فى احضان الزمن.. تلك المسافات التى تحيرنا اذا كان ينقصنا شئ بدونهم او اذا كانت الامور تختلف فى قلوبهم حينما يرونا.. تلك المسافات فى انك لا تحب اقل.. وايضا بانك لا تحب اكثر.. فالاهتمام الزائد قد يخلق عادة والبعد الزائد قد يخلق نسيان..

كان عليه ان لا ينازل الحب ويهزمه.. لكى يحيا الحب كان عليه ان يحبها اقل.. كان عليه ان يدرك انها لا ترغب فى الاضواء الكاشفة وانها تحب البساطة.. وكان عليها ان تدرك انه احبها بصدق دون رغبة فى التباهى.. وان صدق الحب جنون وان جواده الخشبى يطير

## البرنس

البعض يتعامل معه كرجل قادم من كوكب التفاؤل وان كل خلية بداخل هذا الرجل القوى تستمد طاقتها البنائية من شمس الامل التى لا تغيب مهما كان العالم قبيحا ومظلما ولهذا اعتبروه المثل الاعلى للايجابية.. لا يتخيلوا وجهه بدون الابتسامة.. لا يمكن ان يعتقدوا للحظة ان الحزن قد يسكنه فى بعض الاحيان لانه اذا حدث هذا الامر الشنيع فى نظرهم فقد تنهار افكارهم اتجاهه ولاعتبروه شخصا غير جدير بثقتهم فيه كرجل التفاؤل الاول.. يتوقعون دائما استمرار الانتصار فى حروبه مع تجارب العالم وكأنه ممنوع من الضعف ومحروم من السقوط.. مع ان بعض الضعف يبنى ويغيرنا للافضل ومع ان بعض السقطات تكون بدايات لنجاحات اكبر..

هذا اليوم مختلف وانفاسه تستقبل اليوم بثقل من الخوف ومن احزان الفراق.. كان عليه لكى يحقق احلام اكبر ان يتنازل عن اجزاء منه.. خطواته ناحية الحياة الجديدة مرتعشة لان ما بين الخطوات ذكريات تجذبه لعالم من الالوان البسيطة المبهجة وقد رحل عنه الآن.. لكن هكذا هى الحياة لا تعطى لساكنيها كل شئ بل لكى تحصل على ما تريد منها



عليك ان تدرك انك فى طريق الوصول لاحلامك ستتنازل كثيرا عن اجزاء منك لها ايضا.. القى بشنط السفر فى غرفته الجديدة ولكن صوت الارتطام الاقوى كان بداخله.. صدمة الفراق وصدمة الحياة المختلفة كانت قوية.. اختيار فراق من شاركوا حياتك وافكارك وقلبك فى السنين الماضية من اجل بناء مستقبل افضل فى ظل ظروف اقتصادية واجتماعية فى مجتمع لا يعرف ابسط حقوق البشر فى الحياة الكريمة هو اختيار صعب..

بدل ثيابه وجلس يرتب اغراضه فى غرفته الجديدة لكى يشغل الوقت ولا يتسرب له الحزن فى فراغات يومه الاول.. لكن نظرة واحدة لعيونه تدرك حاله من شرود البال فى تذكر الايام السابقة لهذا اليوم.. عندما تكون الاوقات الاخيرة قبل الرحيل جميلة يكون الرحيل اصعب.. لم يتحرك الوقت الا قليلا وقد انتهى من اعماله ولكن لم ينتهى الحزن من افعاله.. تحول شرود البال لتمزق فى مشاعر القلب ولدموع فى عيون رجل لم يبكى منذ وقت طويل.. تحاور مع البعض فى اتصالات الاطمئنان فى اليوم الاول فى حياة الغربة ليقتنعوه ان يعتاد الغياب ولم يرتاح لاقوالهم.. مكالة هاتفية ممزوجة بدموع مع الاهل قضت على ما تبقى له من قوة للمقاومة.. سقط رجل التفاؤل فى امتحان الفراق وضعف امام ماردمسافات..

” اين انت ايها القوى ” عتاب موجة من قلبه الممزق للجالس على  
عرش السموات لكى يسنده..

قد اخبروه عند وصوله لبيت المغتربين عن رفيق غرفته ” عم عاطف ”  
صاحب الستين عاما وبرغم انه العادة فى بيوت المغتربين ان يستقبلوا  
الشباب فقط ولكن ” عم عاطف ” كان الاستثناء.. يلقب ب ” البرنس ”  
وهذا اللقب حصل عليه لتفرده فى اسلوب كلامه واسلوب تعاملاته  
البسيطة والجميلة مع من حوله.. ينهض قبل شروق الشمس وكأنه  
يوقظها يوميا لتبدأ عملها فى اعلان بداية يوم جديد وفرصة جديدة  
للحياة.. يمارس عمله اليدوى الاعتيادى دون شكوى من صعوبته برغم  
كبر سنه لان قلب هذا الرجل لا يعرف الشيخوخة.. يعود للمنزل قبل  
قدوم باقى الشباب الساكنين معه فى الشقة ويجهز لهم الغذاء بمحبة  
وباتضاع وبابوة لا مثيل لها.. لهذا هو استحق لقب ” البرنس ” عن  
جدارة..

عم عاطف كان عليه ان يغير غرفته لمدة يوم واحد فقط وكان هو نفس  
يوم وصول رجل التفاؤل لغرفته الجديدة.. ” الله يدرك احتياجاتنا قبل ان  
نطلب ” هى حقيقة عاشها رجل التفاؤل فى هذا اليوم..

فى لحظات من الصمت الممزج بعيون باكية مشتاقة لاستجابة من

السماء لاراحة القلب الممزق يفتح الباب معلنا عن وصول " البرنس " ..  
يمسح رجل التفاؤل دموعه قبل المقاتلة ويرسم الابتسامة كذبا وهذا لم  
يعتاده من قبل.. دقائق من التعارف كافية لادراك بساطة قلب الرجل  
العجوز.. تحول جزء من كذب الابتسامة لصدق لان اسلوب الرجل  
العجوز فى الحوار كان مبهج ومماثل لعالم الالوان البسيط الذى عاش فيه  
رجل التفاؤل لسنوات طويلة..

بحكمة وخبرة البرنس فى الحياة ادرك اثار هزيمة ليلة الفراق الاولى  
فى عيون الشاب الجديد.. لم يحاول ان يقتحم احزان الشاب ولم يحاول  
ان يفرض طريقة حوار معينة لكى لا يشعر الشاب بالحرج.. تحدث عم  
عاطف بتلقائية وببساطة عن ماضيه لكى ينقل دون قصد للشاب رد الله  
على سؤال قلبه..

منذ سنوات ماضية كان البرنس شابا فى عائلة فقيرة فى احدى قرى  
الصعيد وكان الاكبر بين اخوته الثمانية.. برغم الفقر كانت الحياة بسيطة  
وسهلة فى وجود الاب المكافح والام القنوعة.. ولكن فى لحظة واحدة تغير  
كل شئ مع رحيل الوالدين عن الحياة فى فترة وجيزة ليصبح عم عاطف  
المسئول الاول عن احلام أسرته الصغيرة فى الماديات والكبيرة فى  
المسئوليات.. فى تلك اللحظة كان هناك عتاب موجة من عاطف الشاب

للجالس على عرش السموات " اين انت؟؟ "

تنازل عاطف عن طموحه فى التعليم الجامعى ليكتفى بالتعليم الفنى  
لكى يصارع ويكافح فى الحياة من اجل اخوته.. هكذا هى الحياة لكى  
تحصل على ما تريد عليك ان تدرك ان فى طريق الوصول ستتنازل عن  
اجزاء منك لها.. تنازل عاطف عن التعليم الجامعى وعن الحياة البسيطة  
والسهلة فى القرية وذهب الى القاهرة حيث فرص العمل اكبر وافضل  
وحيث التحديات صعبة ومخيفة.. ولكنه قضى عشرات السنين فى معافرة  
كل تحديات الحياة لكى يحقق ما يريد.. وبالفعل نجح البرنس فى  
النهاية فى تعليم كل اخوته فى افضل الجامعات بل وسافر بعضهم للعمل  
بالخارج.. ثم تزوج البرنس من امرأة متعلمة وناجحة وزرقه الله بثلاثة  
اطفال وبارك الله فى امواله وصار له ملك خاص بعد ان كان يسكن فى  
بدايات حياته فى غرفة واحدة مع سبع اخوة.. ومازال حتى الان يعمل  
ويكافح من اجل اطفاله الثلاث دون شكوى بل بقناعة وايمان بان الله رفيقه  
فى الطريق حتى النهاية..

بعد ما انتهى البرنس من حديثه كان القلب الممزق قد التئم من جراح  
الليلة الاولى فى الفراق وصارت نبضات القلب اقوى فى الرغبة فى  
الاستمرار فى العالم

## المبهرين

من بعيد نشوفهم مبهرين.. مختلفين.. تقرب عشان الجاذبية  
وابهارهم وعشان نساfer اكثر فى رحلة ممتعة للى جواهرم بهدف اننا  
نشوف اقرب واوضح.. ونجرب التعامل مع اختلافهم وروعتهم بقصد او  
من غير قصد تحت بند جاذبية الابهار.

والمبهرين مع الرحلة نلاقى انهم مجرد اشخاص زينا.. هما مجرد  
ناس بسيطة واللى جواهرم من جمال زى الباقي بالظبط بس بان اوضح مش  
اكتر..

والمبهرين ساعات مبيقوش بعد الرحلة " مبهورين " .. كأننا كنت  
بنتوقع الكمال والمثالية.. كأننا متخيلين انهم ملايكة متجسدة فى لحم  
ودم.. وان مع ظهور عيوب فى الشخصية ممكن تبدأ الاحكام تتغير واللى  
جوانا ناحية " الابهار " يختلف.. ومع ظهور ضعفات وثغرات فى اللى  
قدامنا قرارات القرب تبقى قرارات مسافات وبعد..

الخطورة الاكبر بقى فاننا مبنأخدش بالنأ ان القرب منهم قرب من  
طرفين على فكرة وان دة بالنسبة لهم عامل مؤثر برضة فى حياتهم  
وممكن يتاثر.. يتغير.. يتعود.. يقرب زيه زيك.. وتلاقى ان " المبهـر "

مكنش فيلم سيما بتشوفه اذا كان عجبك ولا لا وتتطلع.. او ان " المبهر " الى بمقاش مبهر ليك دة كان " بنى ادم " له احساسه ومشاعره ورغباته ودوشته وظروفه واحتياجاته.. وانك ممكن تكون لخبطت كتير اوى جواه بقربك دة..

عارفة.. انا اكثر حد اتعامل زى الفيلم.. ساعات كنت بحس ان فى زحمة على التذاكر من كتر ما التريلر او اللي بيسمعه " مبهر " كفاية ان الواحد يجرب ويتفرج.. بس مكنش متوقع انك زيهم.. خصوصا انك مكنتيش محتاجة لتذكرة عشان تدخليني..

ضحكتك كانت " صباح الخير " اللي واقفة على ناصية حلمي.. قلبك البسيط كان جواب من غير كلام بيطمنى على ان الحياة لسه فيها امل.. عينيكي كانت شبابيك لافكارى ومشاعرى بعد ما حسيت انى مسجون لسنين طويلة فى دوامة بدون معنى.. كانت اول مرة فى تاريخ عرض الفيلم اوافق على ان مُشاهد يدخل فى احداث الفيلم ويغير فى السيناريو والاخراج بدون شروط وبدون موانع.. كان الاستسلام ضرورة للسحر الللى فى قلبك وعينيكي وضحكتك..

قانون طفو الشاعر على الملامح بيكون واضح فى قوانين جاذبية الحب.. كانت كل حاجة بتختصرها مقابلة عينيا لعينيكي.. كانت

عينيكى اجمل حدوتة شوفتها.. كانت كل نظرة منها حزن ليا لما اكون  
موجوع او مهموم من البنى آدميين والدنيا.. كنت بظمن لما عينيكى بتلمع..  
عشان هى كانت بتحضنى بلمعائها.. كان لمعائها دليل على ان سحرك  
لسه حى.

اتعودت على وجودك معايا فى المشاهد.. عينيكى كانت حلوة لدرجة  
الادمان لوجودها.. بقيتى السند ليا فى كل حنة فى السيناريو حتى لو  
بس تبقى متواجدة ورا الكاميرا ومطمئنانى بضحكتك.. انا مبقاش هممنى  
ان بنى آدميين يخرجوا من الفيلم فى نصه او فى اوله.. مدام انتى معايا  
للاخر.

بس انتى مكملتيش للاخر..

واللمعة اللى فى عينيكى غابت.

وفجأة بقيتى زيهم..

عارفة من يومها وانا فىللمى مبيتعرضش.. قررت اخبى حاجات  
كثيرة اوى عن اللى حواليا.. مبقتش بتعشم.. مبقتش بصدق.. مبقتش  
بقرب.. مبقتش بنفس درجة الابهار اللى اتعودها الناس انهم يشوفوها  
فى الفيلم..

وشوية بشوية فضى شبك التذاكر ومبقاش فى اقبال ومنكرش ان دة

فى حد ذاته كان راحة ليا.. لانى كنت محتاج انى اوضب جوايا  
اوى...وكم ان لان الوحدة على الاقل بتضمن لىك انك متتجر حش جديء..  
ومرت الايام وانا جوايا لسه متلخبط.. وانا لسه بحاول انى اوضب  
جوايا اكتر..

لحد ما فى يوم من الايام لقيت فى ناس مصرة على دخول الفيلم.. فى  
ناس مستعدة تدفع تمن التذكرة مهما كان عشان تشوفنى.. وبرغم ان  
التريلر بقاله فترة متوقف عن العرض والفيلم نفسه بقى مختلف  
والاحداث مبقتش مبهرة فى اعتقادى زى الاول لكن عيونهم كانت مليانة  
رغبة فى المشاهدة.. ومبقتش عارف هل اسمح ليه ولا لا؟!..

ومع الاصرار على الدخول اتنازلت بدون عشم زيادة فيهم انهم  
يدخلوا.. انا مازلت متوقع خروجهم... بس هما لحد دلوقت هما مكملين  
فى المشاهدة بدون ضجيج وبدون اذى وبدون رغبة فى الخروج.  
بس عارفة.. انا فضل عندى نفس المعضلة..

حتى لو كراسى السينما كلها اتملت.. حتى لو كلهم رغبوا فى  
التواجد للنهاية ولاخر الفيلم... وحتى لو الفيلم نفسه زاد فى ابهاره  
وزاد فى نجاحه هيفضل فى حاجة ناقصة فى كل دة.. هيفضل ناقص "  
حضورك".. وهتفضل برضة اجمل لقطة فى الفيلم محذوفة.. لما كانت  
عينىكى تلمع عشان خاطر عينيا



# الحياة حلوة

## الحياة حلوة؟؟

كان فى مرة عصفورة طارت بعيد اوى عن شجرتها وكانت عاوزه ترجع..بقى كل هدفها انها ترجع للمكان اللى تنتمى له..الرياح كانت قوية اوى وهى كانت لسه عصفورة على قدها ومش قد مواجهة الرياح..بس هى عافت وحاولت..احياناً كانت بتقع واحياناً كانت بتبقى مجهدة اوى واحياناً كتيرة فكرت فى انها تستسلم وتغير هدفها.

بس هى اكتشفت حاجة.

مع كل محاولة ومع كل معافرة حتى لو متقدمتش خطوة لقدام فى مشوارها..كان جناحها بيبقى اقوى وعضلاتها بتبقى اقدر فى المواجهة وخوفها كان بيقل اكثر..حست انها مختلفة اوى مع الوقت وللاحسن طبعاً

فى مرة الرياح مبقتش مجرد عاصفة هوائية لكن ترابية فعمتها..صعب اوى انك تطير وانتا مش شايف..خوفها زاد لان المواجهة بقى مع حاجة مختلفة مش زى المرات اللى فاتت..مكنتش عارفة ازاي هتواجه العاصفة الترابية لان مهما كان جناحها قوى مش هتعرف تواجه..كان

ومش بترخم على حد زى ما بترخم عليه.. اصل زمان كان من علامات الحب " النظرة مع الابتسامة " دلوقتى الزمن اتغير وبقى من علامات الحب " الرغى مع الرخامة " .. مفروض كان يفهم اعجابها بيه وانها عاوزة تعيش فى العالم الخاص بيه اكتر.. بس " هو " مصر على خوفه فقررت الاتجاه "هى " كمان لحالة الاستعباط

الاستعباط هو الراعى الرسمى للزغزغة فى الحب.. النظرات الخفية اللى بتكون من وسط الناس زى السهام فى القلب.. عارفين ان عيونهم رايحة لبعض وسط الزحمة لان الحقيقة ان قلوبهم عايشة فى فضا واسع ما فيش فيه غيرهم وحلم حبهم.. لكن بمجرد تلاقى النظرات بتهرب العيون فرحانة بالصدفة المقصودة اللى كانت كلها استعباط.. ساعتها بيحسوا برعشة فى قلوبهم اشبه بزلزال لكنه زلزال اذكى من انه بيان تأثيره المادى لكن لو ارواحهم بتتكلم كانت حكيت عن زلزال الاحساس وعن الزغزغة اللى ضحكت قلوبهم

الاستعباط هو الراعى الرسمى للحواديت العجيبة.. الحواديت اللى بتظهر فجأة تستحق براءة اختراع فى بعض الاحيان.. مع ان والدته بتطبخ احلى اكل فى الدنيا لكن عمره ما اتكلم معاها فى الاكل وتعبها فى المطبخ.. لكن مع التسعيرة "هو" مهتم جدا بنجاحها "هى" فى تحضير

السلطة.. ومع ان "هى" عمرها ما سألت والدها عن طبيعة شغله  
والمجهود اللى ببذله عشان يجيب فلوس ليهم ويصرف على البيت لكن  
"هى" منبهرة بنجاحه "هو" المستعبط فى شغله وبتسأله على اقل  
التفاصيل.. مش بيزهقوا من الكلام مع بعض حتى لو الكلام ملوش لزمة  
بداية من السياسة لحد الالعاب على الفيس بوك لان الكلام له لزمة فى  
قلوبهم.. اصل فى ناس كدة ممكن تعقد معاهم كل دقيقة من حياتك ومش  
هتزهق.. لان وجودهم بالنسبة ليك حالة فرح

الاستعباط هو الراعى الرسمى للزهايمر الماكر.. "انتا ازاي فاك  
الموقف ده لحد دلوقت؟؟!!" وهى ناسية الموقف بالعكس كانت  
بتسرح فى وسط الناس لثوانى فى نفس اليوم عشان يزور قلبها الموقف  
ويرجع بابتسامة بريئة بالذكرى الجديدة الجميلة اللى اتضافت النهاردة  
لحياتها.. "انا مش فاك خالص انه كان عجبك منى التصرف ده ساعتها  
بجد التصرف كان صح؟؟!!" وهى يوم ما قالت الكلام الحلوة عنه راح  
كتبه فى يومياته ونام يومها وهو مبسوط وفخور بنفسه وحس انه عندها  
فى مكانة "ادهم صبرى" رجل المخابرات الاول فى سلسلة الرجل  
المستحيل.. لكن الكلام الحلوة اللى سبق وقالوه عاوزين يسمعه بدل المرة  
عشر مرات كأنها كلمات اغنية حلوة.. زهايمر الاستعباط صحيح ساعات

بسبب حالة من الحيرة والغموض خوفا من انه يكون زهايمر حقيقى لكن مع قوة الحب يظهر الاهتمام فى " التفاصيل الصغيرة " اللى الى حد ما يبريح ويقلل الخوف

الاستعباط هو الراعى الرسمى للطاقة الحركية للقلب.. لما يكونوا فى مكان واحد كل واحد فيهم يببذل مجهود حركى من قلبه اكثر من المعتاد عشان الجاذبية الروحية ما بينهم تفضل فى حالة الطاقة الفعالة.. " هو " هدفه بيان فارس الاحلام فى عيونها ويتشقلب عشان يعجبها و " هى " هدفها تفضل ال " سندريلا " فى عيونها.. جزء من تصرفاتهم بتبقى ترجمة للاهداف دى حتى لو حاولوا يخفوا حقيقة الاهداف لكن... لان الحب جماله فى البساطة والعفوية مش معنى كدة ان التصرفات بتبقى ممنهجة ومنظمة لكن الاستعباط بيدفعهم للسيطرة على العفوية بشكل او باخر وفى نفس الوقت بيدوا فرصة للطاقة الحركية للقلب تطلع لاستمرار الجاذبية.. من الاخر كدة اللى بتحبه بيخليك مصدر قوة قصاد الكل وقصاد الدنيا ماعدا قدامه هوا هيفضل نقطة ضعفك

بيقولها على فكرة انتى اقصر منى ويبستفزها عشان تقف جنبه ويقارنوا الطول ببعض لكن الحقيقة بالنسبة له " هو " يقرب حلمه بانها تكون جنبه زى ما كان متخيلها بفستان فرح.. " هى " الشخصية

اللى بتغير عليه من اقل كلمة حلوة بتسمعها من بنت تانية عليه  
وبتستغزه وبتغمز له وتقوله " الله يسهلوا " و"هى " من جواها نفسها  
تسمع منه وهو بيقولها " على فكرة انا وفلانة اخوات .."

" هو " بيستهبل لما يبعد شوية ويعمل تقيل لانه عاوزها تهتم اكثر  
وتسأل الاول وتدور عليه.. و"هى " بتستهبل لما بتعمل زعانة لانها  
عاوزه انه يدللها اكثر ويقولها كلام حلو يصلحها بيه.. بيزودوا فى  
جملهم " عشان خاطرى " ويستنوا تأثيرها... " وانا روحت فين؟! " هى  
الامان فى وقت الاحتياج.. " احكىلى " هى الدفا فى عز البرد.. بيكتبوا  
جوابات فى عيونهم ومستنين قرايتها لان فى الغالب اللى بنحبهم مش  
بنعرف نقولهم اغلب الكلام اللى كنا فعلا عاوزين نقوله ونطلب من  
عيوننا تفضحنا

مافيش قصة حب حلوة من غير مرحلة استعباط

## رسالة حب لم يبدأ بعد

منذ فترة ليست بقليل وانا اذهب لاتصفح بروفيك الخاص على  
الفيس بوك دون حديث.. اعلم انك لن تعلمى بمراقبتى.. اعلم انك لن  
تلاحظى هذا الاهتمام.. اعلم ان العشق الكامن فى القلب هو فى الجانب  
الامن من كوكب الخجل دون استكشاف من التساؤلات الباحثة عن  
اجابات.. اجابات مرتعشة من الظهور على ارض الحقيقة ومدفونة فى  
عمق الخوف من ما اسمعه عن الحب او ما اشاهده من هذا الكائن الذى  
يجمع ما بين السعادة والعذاب لاصحابه..

نصحونا كثيرا بفن المسافة بان لا تحب كثيرا ولا تهتم قليلا ولكن  
ماذا لو احببنا من هى اجمل بكثير عن ان نحبها بقليل؟!.. حينها  
فليذهب فن المسافات الى الحميم..

العشق ازداد ولان جمالك كان اقوى من الكتمان ولانك امرأة لا تثق  
بكلمات رجل ولا تؤمن فى الحب الا بافعال اندفعت فى سلسلة من  
التصرفات الجنونية تعبر عن الاهتمام المفضوح دون كلمات.. لكن ان تفعل  
كل شئ لامرأة تحبها دون ان تقول لها " احبك " كان ايضا نوعا من الغباء  
لانها ايضا امرأة لا تحب الغموض ومن هنا بدأت الاختلافات..

عندما قررتى الخروج من عالم الفيس بوك لانك لا تؤمنى بجدوى العلاقات الالكترونية كان قلبى قد قرر الخروج من عالم السكوت لانه لا يؤمن بالحياة بدونك.. ولكن كيف يمكن ان يتعامل مباشرة وهو تعود على الحياة فى كوكب الخجل؟!.. هذا لم يكن بالامر الهين لان فن المسافات لم يعد ذو جدوى لان ما فى القلب قد انفصح واسباب الاهتمام لا تحتاج لتعليل ولكن كان ايضا الرفض واضح لتوقيت الحب لان الحب فى حياتك الآن ليس من الاولويات..

ان تهتم بمن لا يهتم دافع للعتاب وان تبحث عن ما لا يبحث عنك دافع للاستسلام ولكن معك يبدو الامر مختلفا.. فانا لا اكون الا فرحا عند رؤيتك حتى لو كنت على مدار الايام الماضية اعانى من الغياب وارغب فى العتاب.. حينما اراك لا اذكر سوى اشتياقى لوجودك المبهج.. انسى العتاب واتعلق بلحظات بسيطة فى عمر الزمن لكن هى حياة فى كوكب الذكريات.. حتى فى الهروب منك يكون الهروب اليك.. ايتها الجميلة لا اعرف كيف يمكن ان تختصر الحياة فى عيون.. تسكن البهجة فى عيونك ويسكن البال فى ارجاء سحرك.. اعماقى مجردة من الحراس فى وجودك لتستبيحى ما شئتى منى.. وحواسى احاديث مباشرة عن غرامى لا ترتدى ثوب الغموض تحت شمس لقائك..

لهذا تهملى تلك المرة فى التفكير فى الاختلافات.. انا رجل لا يحب  
الغموض ولكن معك فقط كان الامر مختلفا لانك مختلفة... ولو كان الظن  
بان المشاعر الكترونية الصنع فصدقينى انا لا ارغب فى الحديث عن طريق  
المراسلات فحديث عيونك اجمل.. ولا ارغب فى الحديث عن طريق  
الهاتف فمشاعر وجهك اروع.. لا ارغب ان يكون عالم عشقنا مقيد من اهم  
ما فى الحب وهو اللقاء..

اذن دعينا نلتقى ولو فى الاحلام لتدركى مدى عشقى..



## رسالة روح

فى الفترة الماضية كنت فى رحلة حافلة بالمخاطر النفسية والمرهقة للروح.. لهذا لم تكن روحى قادرة على ارسال الرسائل لانشغالها باطول واصعب الرحلات.. الغريب ان " الروح " فى نهاية الرحلة كانت قد فقدت قدرتها على التعبير بشكل صحيح ومناسب عن ما بداخلها..

حتى تعثرت روحى بالصدفة فى كلمات بشكل فوضوى وعبثى وقدرى من كتابات شخص آخر لا اعرفه ولا يعرفنى.. ولا ادرك كيف شاركنى احداث الرحلة وكيف تنفس ما بداخلى من كلمات ونطق بها هكذا..

" يحتاج الإنسان أن يجد أنسان آخر واحد على الأقل.. "

يمكنه أن يكون عارياً أمامه دون خوف..

عارياً ليس من الملابس.. لكن من ما نستتر خلفه لنكون آخر غير

حقيقتنا..

أحتاج من يرى ما بأعماقى من مخاوف وأرتباك ومشاعر مختلطة غير مرتبه وضعف ونقص ونقاط ضعف وقوة ويظل على حالته من الحب والقبول لى.. دون موعظ..

فى هذا جزء كبير من شفاء الإنسان..

ولأن هذا الإنسان نادر الوجود.. نحاول أن نعيش هذه الفكرة مع الله.  
وينجح هذا بقدر كبير لكن يبقى أحتياجنا لهذا الآخر الذى يستطيع  
قبولى كما أنا بالحقيقة..

وذلك لأننا لسنا جميعاً بنفس القدرة أن نشعر بهذا تجاه الله وطول  
الوقت خاصة مع كثرة الأحباطات فى البشر.

لأننى كلما حاولت أن أكون أنا ، وكلما حاولت أن أظهر أعماقى للآخر  
، أصطدم بأن هذا الأنا مرهق للآخر او مرفوض لضعفه أو عجزه او لنقصه  
او صعوبته او فوضويته أو لأنه ليس بحسب ما يرغب السامع أن يكون او  
يحتمل او ليس بحسب ما انا ارغب ان يكون هو عليه من المكانة عندى "  
تلك الجمل هربت بصدقها واحساسها الى الداخل حيث تسكن "  
العاصفة الهادئة على السطح والعنيفة فى الداخل " وحيث يظهر ما  
تعرضت له من احداث وافكار فى خلال الرحلة النفسية والتي تسببت فى  
جعل الكل وحتى اقرب البشر الى روحى فى حالة من الارهاق والرغبة فى  
الهروب منى فى نهاية المطاف..

لا يمكن ان اظلم او اقسو او اللقى اللوم على احد.. لا يمكن ان ارهق  
اكثر من ذلك من حولى فى محاولاتى للوصول الى اشباع الاحتياج وهم غير

مسؤولين عن ذلك.. لا يمكن ان اطلب منهم ما لا يقدرّون عليه او ما لا يرغبون فيه.. لا يمكن ان استمر في الضغط على الآخر واكون سجين لادنى سجون البشر وهو " سجن الذات " .. لا يمكن ان استمر في التجرد واظهار الحقائق وهي حقائق صعبة على نفسى ولم اقدر على احتمالها وحدى.. فكيف لآخر ان يحتملها؟!

لا لن افعل..

سأظل كما انا.. سأمارس واجبى فى اصدار البهجة ومساعدة الآخرين على التجاوز.. على التحدى.. على الحلم.. على الامل.. على الوصول للسعادة.. ساساعدهم حتى فى رحلة بحثهم عن ما انا افتقده بشدة وهو ذلك " الانسان نادر الوجود " .. سأبقى فى مساحة الدور المناسب لى فى حياتهم دون رغبة فى المزيد من البطولة ودون رغبة فى المزيد من الاهتمام.. سوف اظل كما كنت مجرد دواء يتناولونه للشفاء.. ولدة محددة حسب رغباتهم وما يكفى لعلاج القلوب ودون اثار جانبية.

ولن اكون ذلك الداء المرهق لكيانهم وارواحهم وافكارهم..

اما عن " احتياجى البشرى " الشخصى.. لا تقلق ولا تهتم.. انا سأبحث فى محبة " الله " اكثر وساقرب منه اكثر واتعري امام الله بكل الحقيقة واتناسى معه هذا الاحتياج.. او كما آمل ان يحدث..

## انقسام

لدى شعوران مختلفان بشأنك..

الشعور الاول هو شعور متزن يدرك ان هذه هى الحياة.. لا تعطى لنا الكثير حتى لا نتعلق بها عبثا وتروض مع الوقت رغبة احبالنا الصوتية فى الصراخ والتعبير عن الفراغ والنقص كما يفعل الاطفال عند الاحتياج.. هذا ليس شعور بالاكتئاب.. وليس شعور بالوحدة.. وليس شعور بالانكسار او الوجد.. لكن هذه هى واقعية المشاعر.. واقعية ان اشعر بانك على ما يرام حتى وانت على تلك المسافة منى كما اردت.. واقعية انك سوف تمضى ايامك فى الحياة يوما بعد يوم بدونى وقد تكون سعيدا وقويا دون وجودى فى عالمك.. واقعية انك عندما تمضى يوما بعد يوم فى الحياة سوف تفقد شيئا او شخصا فلا تنتدهش ولا تنكسر.. كلها امور تجعلنى لا اعاتب على انك على هذا الدرب الذى اخترته عن اقتناع بدونى فلا اعلن سوى عن هذا الشعور المتزن الذى فقط يريد ان يصدق ان ما يحدث فى هذا الواقع هو الانسب. ويريد ان يؤمن بان واقعية الحياة هى من حتمية واختيارات القدر فى النهاية وان القدر هو من الله الذى يحبنى ويحبك..

الشعور الثانى هو شعور يصاحبنى مع كل صباح عندما استيقظ بدونك.. شعور بالفجوة فى كل مكان فى ارجاء القلب والعقل برحيلك.. شعور انه على ما يبدو انك حلمت بشئ هو اكثر الامور بهجة للقلب وتحقق وعشت حلمك لقليل من الوقت ثم انتهى وان ترغم على مواصلة حياتك بدون حلمك المبهج.. شعور بان ينسحب منك الهواء النقى والاجواء الصافية لتتنفس عبث وفوضى وحياة بلا هدف.. شعور بالنقصان يزداد تدريجيا بداخلك مع الايام ليترك فراغ بلا حدود.. نعم قد وافقت على رحيلك لانه الافضل لك ولان الشعور المتزن كان هو الشعور الانسب لان افصح لك عنه وان القى بالشعور الاخر فى دوامة الكتمان.. ليست بانانية او ذاتية ان ترحل وليست بشفقة او تعاطف ان اسمح برحيلك لاجلك.. لانك عندما كنت معى قد انقذتنى.. انقذتنى من العتمة التى اسكنتها تجارب الحياة الصعبة بداخلى.. كان قلبك هو الامان لخوف عاش قبلك لسنين هو الحاكم بامرہ.. خوف كان يمنع الحب ويمنع الحلم ويمنع البهجة فى ان تسكننى حتى التقيتك.. لقاء كان بمثابة الامل لاعادة الاحلام والالوان.. لقاء كان بمثابة الحزن والاحتواء للحياة.. لكن ومع واقعية الحياة والشعور الاتزانى السخيف بمسلمات العالم عليا ان اوافق على رحيلك.. وفى ذات الوقت بدون قصد بل ان جاز التعبير بقصد

اضطراى اترك للعتمة فرصة ان تعود وان تنتشر وان تحتل..

شعور مختلفان فى كيان واحد هو اصعب المشاعر.. ليست لانها

معركة بقاء الاقوى منهما على حساب الاخر لكن لانها معركة المشاركة

الحتمية لهما معا بان يبقى احدهما كامن على السطح وان يحرق الاخر

فى داخلك ☺

## جوجل الواقع

كان عليه الآن ان يجدد الباقة فجهازه المحمول اصبح غير قادر على الاتصال بالعالم الذى تعود ان يعيش فيه " عالم الانترنت " .. عصبى المزاج حينما ينفصل عنه فهو جزء لا يتجزأ من حياته.. الانترنت اصبح من اهم اركان حياته.. يتعلق به لدرجة الادمان وكأنه هو الهواء الذى يتنفس من خلاله نسيم الحياة وقوة الحضور وحرية العلاقات.. يرى فى هذا العالم الامكانية فى تحقيق الابتسامة التى يفتقدها والتى يبحث عنها دائما.. ومع انه يفشل فى كل مرة ولكنه مازال يحاول... حتى انه فى مرة من المرات كتب يأسا فى شريط البحث على جوجل " ارجوك اجعلنى سعيدا " .. ومع ان الاجابة فى عالم السراب لا تأتى مرتدية ثوب الواقعية ولكنه مازال يتعلق بالعرى فى شتاء وحدته القارس.. عندما تؤمن ب " الزيف " فى سبيل تحقيق السعادة فقد حوى قلبك جروح لا حصر لها.. وعندما تعيش فى عالم من الاوهام المقدسة فقد خانتك الحقيقة فى الماضى مرارا وتكرارا..

يرتدى ملابس سريعا ولا يلقى بالا بما يرتديه او بهيئته او بتسريحته فهو على عجلة من امره لان فى الانتظار اهانة للشهوة..

ملاحمه تعكس غروب حزين عندما تقرر الشمس المفارقة والوداع بطمس وجهها المشرق الدافئ فى البحر فيحل الظلام والبرود فى القلوب ويختفى الامل.. عيونه كانت عيون شخص ترنح بالخمير حتى الصباح وهو ابدًا لم يذق حتى قطرة من النبيذ فى حياته ولكن فى حقيقة الامر ان هناك البعض منا من يسكر بالحزن والوحدة.. كل شئ يعكس انسان فقد الحياة تدريجيا والغريب انه يفقدها فى رحلة ظنها خطأ رحلة البحث عن الحياة وهو كان خلالها يقتل نفسه بالبطئ..

فى الطريق لا يهتم بنظرات الناس التى تبدو فضولية فى طرح الاسئلة على الحالة التى كان يبدو عليها.. لا يهتم بالهمسات التى تحوى بعضها افتراسات قاسية فهى لن تكون اقصى عليه من نفسه فى جميع الاحوال.. هو يريد العودة من حيث تعود على ان يتنفس معانى الوجود الزائفة.. يريد العودة الى عالم الانترنت..

يسارع فى خطواته قليلا الآن ولكن هى من خلفه تنادى.... صوت مسجون فى دائرة الشجن ولكنه شجن مصحوب بالامل.. يشبه صوته حينما يحدث نفسه فى نفس الدائرة.. لعل هذا ما لفت انتباهه فى البداية واخافه بعض الشئ.. لكن هى مجرد امرأة فقيرة زرقها فقط يعتمد على الامل... تعرض عليه فى الطريق مناديل للبيع وبالحاح بسيط ولكنه



يزيد من عصبية مزاجه الحاد.. هو لا يرغب فى اضافة ضجيجها لحشود  
من الصراخات الساكنة بعقله الآن..

لكن جزء منه بخجل يلاحظ شجن النداء مع خطواته المتباعدة عنها..  
كأنه صوت غريق على وشك الموت ويختفى رويدا رويدا فى صراعه الاخير  
مع امواج البحر من اجل الحياة.. يشعر فجأة بشئ مختلف بداخله  
نحوها.. مهما تعمقنا فى عالم السراب لن يفقدنا هذا العالم الاسود  
انسانياتنا.. يلتفت نحوها مرة اخرى ويسرع اليها بابتسامة بعنوان  
مجهول.. لا يعلم من اين اتت الابتسامة على ملامحه.. الطفلة الصغيرة  
يعيونها الجميلة البريئة بجوار الام الفقيرة وهو يتفاجأ بوجودها اضاعت  
ضحك الصراخات ولعل هى صاحبة عنوان الابتسامة المجهول.. كيف  
هو لم يلاحظها فى بادئ الامر؟!... لتلك الدرجة جعله السراب  
اعمى؟!.. لا يرغب عقله فى الاجابة على اسئلة اجابتها قاتلة لقلبه.. هو  
فقط يقرر ان يشتري منها الآن كل شئ.... قد يبدو الثمن بسيط مقابل تلك  
الاشياء البسيطة لكن فى الحقيقة هو اشترى لها بذلك ابتسامات واحلام  
اليوم.. لم يكن يعلم انه يمثل بالنسبة لها الآن اجابة الرجاء الذى كتبه  
منذ زمن على شريط جوجل " ارجوك اجعلنى سعيدا " ..

هو فى طريق العودة حاملا " كارت الشحن " من اجل باقة

الانترنت.. من المفترض انه عاد محققا ما اراد او ما يظن انه يريد فعلًا..  
لكن لا يشعر باى لذة بل على العكس فى حلقه مرارة هزيمة الانكسار  
امام ادمان السراب.. يجذب انتباهه صوت مبهج ومألوف برغم غيابه هو  
عن عالم البهجة من عشرات الشهور.. الحنين الى البهجة جذبه اليهما..  
صوت غناء امرأة يمتزج مع تراتيل ضحكات طفلة.. كانت هى المرأة  
الفقيرة تغنى مبهجة وهى تدفع بطفلتها الجميلة على " مرجيحة "  
بسيطة " على جانب الطريق.. تضحك الطفلة بشدة وكأنها لم تضحك من  
قبل وتغنى الام بقوة وكأنها تلامس السماء وهى على الارض..

يراقب المشهد ولن تجدى الكلمات كثيرا فى وصف الاثر الذى يحدث  
من جراء متابعة المشهد فى قلبه.. فقط لحظات بسيطة جعلته يعيد النظر  
فى حقيقة السعادة فى الحياة.. كيف ترك نفسه اسيرا فى ظلمات الماضى  
وتطلع كذبا الى المستقبل؟!.. كيف قبل الانتماء الى عالم الخيالات من اجل  
الاحلام التى لا تعرف سوى الصدق؟!.. كيف تناسى ان الابتسامة تأتى  
من الامل المزوج بالايمان فى المواجهة مع التحديات؟!..

يمزق كارت الشحن متهللا بدموع التحرر من قيود السراب.. لقد  
حقق الانتصار باجابة صادقة من " جوجل الواقع "

## عضلات فراشة

يستمر الضباب فى التطلع للمقدمة والغيوم تتشكل على اشكال الوجع  
وضوء القمر مع الوقت يهرب من المشهد تاركا الساحة لوحوش الظلام  
والهواء ضيف ثقیل على الانفاس یدخل الى الاعماق لیزید من صعوبة  
الحياة.. الحنین لزمان لا یعود – حینما كانت المحاولة لها قيمة وحینما  
كانت الصحبة لها قوة – اصبح ینقر على نافذة حیاتة یومیا.. لم یتسرب  
الشیب الى رأسه فهو مازال فى العشرینات بل تشرب الشیب الى قلبه  
وهذا اخطر.. حتى مقاومته للحدود ومعافرته مع القیود والتمسك  
بالاحلام امام العقبات على وشك النفاذ.. فكل شئ حینما یصل الى الذروة  
فهو ایضا على وشك بداية النهاية.. هكذا هی الدنیا.. لا تعرف الدوام..  
عندما یكون الامان بان تكون وحیدا فانك قد عانیث كثيرا من البشر..  
الوحدة لیست قاتلة دائما بل فى بعض الاوقات طوق نجاة من الخيانة  
والكذب والخبث والنمیمة وكل اشكال الشر الذی ابدع فیه البشر حتى  
فعلوا هذا وهم فى حضرة الله بجنة عدن.. هو الآن یشعر بالامان وهو فى  
غرفته وحیدا وفى یدیه كوب النكسافیة الدافئ الذی یجعله ینسى برودة  
حجرات القلب داخله.. یحاول جاهدا ان یمنع الدموع من التحرك من

غرفة الكبرياء.. خدعونا فقالوا ان يبكى رجل هزيمة وكأن الرجال  
يملكون احجارا لا مشاعر.. ما الافضل فى نظرك ان تهزم طللك الخارجية  
الرجولية ام ان تهزم قيود اعماقك المشتاقة للظهور؟!.. الحزن الصامت  
يقتل.. فى جميع الاحوال لا داعى للحيرة والتفكير.. فى النهاية هو  
وحيد فى عالمه الان ولن يرى دموعه احد سواه

تنساقط الدموع تحمل اسماء من خذلوه وهو كان يصلى من اجلهم ومن  
رحلوا حينما كان هو فى امس الحاجة اليهم.. البال شارد فى كلمات  
الرحيل وفى اللحظات الاخيرة من المقابلات الاخيرة.. البال شارد فى  
الحقائق المؤلمة واكتشاف زيف ابتسامات وكلمات من حوله.. لا يرى  
امامه الآن سوى العشرات من علامات التعجب والاستفهام بعد ما كانت  
الصورة مزدحمة بعلامات الاعجاب والامتنان.. الحقيقة لا تعرف  
التواضع فهي مغرورة حينما تظهر.. تتباهى امامنا بضحكات ساخرة من  
سذاجة ايماننا بالبشر وثقتنا بمن خانوا الاله نفسه فكيف لنا ان نثق بهم  
بهذا العمق؟!.. من المؤلم ان يغلبه فكر برئ يمزج معه بصوت ممزوج  
بالانكسار بانه لو اتاخرت الحقيقة قليلا عن الظهور او لو تاهت الحقيقة  
فى متاهات الكذب لكان سعيدا لوقت اطول

الكوب الدافئ فشل فى ايقاف برودة القلب والدموع لم تنجح فى

١١  
اخراج كل اكوام الحزن والحلول السابقة أصبحت ورود ذابلة بعد الحقائق المؤلمة.. لم يعد الصديق صادق والحبيب لم يرغب فى حبه.. اصبح سجيناً ولم يتركوا له مخرج ليتنفس منه.. يسترجع شريط الذكريات فيجد انهم عندما حاول حاربوه وعندما انتصر تجاهلوه.. وعندما سقط مرة الجميع سلط عليه الاضواء من اجل اذلاله.. حتى فى سقوطه كان مظلوما وهو لم يكن يرغب فى العدل النقي الخالى من الشوائب.. كانت اقصى امنياته ان يجد من يشعر به وحتى تلك الامنية تمنعوا بها عليه.. كيف لم يلاحظ من قبل هذه التصرفات الخبيثة؟! كيف لم يلاحظ من قبل هذا الجفاء الغير مبرر؟! كيف لم يلاحظ من قبل هذا المارد الحقوق فى عيونهم؟! فجأة..

يلاحظ من تعافر بايمان وهى فى حكم الموتى.. من قبرها تصنع اجنحة لتتقابل مع الحياة.. القبر لا يقتلها بل يحييها ويصنع منها ما لا تقدر الحياة ان تصنعه.. يراها بخجل لم تستسلم مثله لوحوش الظلام ومن " لا شئ " صنعت نور لتعافر من اجل حقها فى الحياة.. لم تسمح للشرنقة بان تقهرها ولم تسمح باليأس بالدخول الى ارادتها واحتفظت بايمانها بالقدرة على صنع الفارق فى الوقت المناسب.. لم تساعد فراشات اخرى وهى نفسها لم تصرخ بلغة الفراشات طلباً للنجدة..

الدفء دخل لحجرات القلب مجددا شاكرا الفراشة على حكمتها  
العظيمة وخرج واثقا من عالمه الخاص ليطل مرة اخرى على العالم الاكبر  
دون دموع ودون ضعف ودون خوف.. فإن كان البشر مجموعة من الجبناء  
والخونة فالعالم لا يحتوى على البشر فقط.. فى سماء هذا العالم من  
يراقب ويشاهد وهو اقوى واقدر ويجعل من المستحيل ممكن ويستطيع ان  
يساعده على صناعة الفارق وعليه فقط ان يحاول ويحاول.. وعندما يهزم  
مرة اخرى سيحاول مجددا لان الاستسلام خيار تدوم هزيمته الى الابد  
بينما المحاولة خيار ينتظر الانتصار فى الوقت المناسب

## رجل من صنع الهوى

يرسم قلبا على الزجاج الشفاف ومن يراه من الناحية الاخرى سوف يرى هذا القلب ينبض.

هذا ليس نوع من انواع السحر والشعوذة فهو يحب ويخاف الله ولكن هو صاحب مقدرة على ادخال نبض الحياة حتى فى القلوب المتحجرة.. لا يعترف بالفراق ولا تجد الهزيمة لها وطن فى افكاره.. الحزن حينما يراه يهرب لانه يعرف ان هذا الشاب القوى قادر على مصارعة حتى الموت لانه يرفض الانكسار.. ولكن هذا لا يعنى ان الحزن لا يقتحم قلبه ولكن حينما يحاول الحزن احتلاله هو سيحاربه بكل اسلحة الايمان وسينتصر.. تستطيع ان تغزل بكل كلماته وافكاره ثوب من التفاؤل يعيطك الدفء مهما كانت برودة الحياة ولهذا يرى البعض انه رجل من عالم الخيال.

ولكن دائما ما يتقاطع مع سيناريو حياتك حدث من الجنون يقلب الامور رأسا على عقب ويتغير عندها كل شئ مهما بلغت قوتك.. قد يكون هذا الحدث مجرد حدث دخل من الباب الخلفى لانك لست باله بلا اخطاء او بلا ضعفات او بلا ثغرات وهذا الحدث استباح ان يقتحمك وان

يبعثر اوراق حياتك ويصيبك بالجنون رغما عنك.. او قد يدخل الحدث من الباب الرئيسى لقلبك وتستقبله بارادتك بالزهور وكأنك كنت تنتظره دون وعى ان يزورك.. ولا اعلم اذا كان المسمى صحيح حينما نطلق على الحب لقب الضيف او مجرد حدث يزورك لانه بعد لحظات من الزيارة سوف يملكك ويصبح قلبك وطن لشكل جديد من اشكال الحياة وقد يكون هذا الشكل الجديد هو الفردوس المبهج على الارض او الثقب الاسود للحجيم الذى يبتلعك للابد..

هى كان فيها شئ من الغموض العجيب الذى يجذبك للعمق والفرق اللذيذ

اذا ارادوا ان يصنعوا " ماكيت " يحاكي جمال السماء اللامعة بانوار النجوم عليهم فقط ان يرسموا ملامحها المتألقة برداء ابتسامتها الدائمة.. هى جميلة وقادرة على ان تتمدد فى قلبك ولا تعرف الانكماش ابدا حتى لو كانت تظهر امامك بثوب البرودة فى تعاملاتها.. هى ليست قاسية.. هى فقط تخاف على ممتلكاتها وكنوزها بان يملكها من لا يستحق فاحاطت قصرها باسوار عالية حتى تمنع الاقتحام.. حتى مع الصادقين معها يصعب القفز فوق الاسوار العالية دون ان تمسك هى بالطرف الاخر من احبال الثقة.. هى تشعر بالامان والارتياح مع تلك الكيفية حتى لو



ظهر ذلك للبعض انه نوع من " العقدة " ..

حينما يراها قلبه يبتسم بدون اسباب وحتى بدون كلمات اهتمام كافية منها كان يتعلق بها.. كان يشعر بالقوة اكثر فى حضورها وفى غيابها قد يكون بخير ايضا ولكن هناك شئ ما ينقصه ويفقده الشهية لمواصلة حالة القوة.. انه يشناق للضعف حتى يحن الله عليه بلحظة جديدة معها.. بعض الاشخاص هم وسائل من الله فى حياتنا لرسم السعادة على وجه عالمنا الخاص وهو كان يظن ان ذلك من المستحيل ان يحدث معه لانه قوى وحده ولكن كانت هى الحدث الذى يتنظره دون وعى.

كيف يمكن ان يتجول شخص بحرية فى طرقات احلامك وهو فى واقعك مجرد ومضات بسيطة؟! ..

كيف لها ان تكون بهذا الحضور الدائم فى احلامه وهو لا يراها الا على فترات متباعدة فى الواقع؟! .. هى من كسرت قاعدة " البعيد عن العين بعيد عن القلب " فدرجة البعد تتناسب تناسباً طردياً مع درجة التورط فى الحب... كان عقله الباطن يخبره بحقيقة الشهية المفقودة لمعنى الحياة الجديد.. الحياة الآن هى ان تكون معها.. واصبحت تلك الكلمات النشيد الوطنى كل صباح حينما يستيقظ.. وصار يبحث عنها فى ميادين الصدفة العابثة والصدفة المقصودة جنباً الى جنب مع المواعيد المتباعدة..

تحول الى عاشق بمس من اعظم اشكال الجنون وهو الحب ولم يكن يعلم ان  
العشق سيتحول لشجرة يهاجمه الحزن منها مع الوقت وقد يهزم فى تلك  
المرة..

احبها جدا على الرغم من معرفته بصعوبة الوصول اليها بسبب  
اسوارها الشامخة.. كان كل يوم يدور حول السور ولا يعرف ماذا يفعل؟!  
وكيف يقول لها عن مشاعره الجنونية؟!.. تارة يلقي بالحبل ويشعر  
بملامستها للطرف الاخر وكأنها تفكر فى الامر بجدية بان تثق به  
وتجذبه لها ثم تعقبها دهور من " لا شئ يحدث ".. وتارة اخرى ينام  
عريانا على ارضة المستحيل فاقتا ثوب تفاؤله الدافئ فى دوامة الانتظار  
ويعود الحبل اليه دابلا من اليأس.

وهى تلاحظ كل شئ بصمت وحيرة وخوف.. لا يمكن ان تخبره  
بالملاحظة فهى امرأة شرقية صاحبة كبرياء.. ولا ترتاح لان تكون فى  
حيرة أليس من اجل منع تسرب تلك اللحظات المقلقة للثبات وللاطمئنان  
بنت الاسوار العالية؟!.. والخوف كان حاضرا فى بعض الاوقات لانها  
كانت تفكر ولو للحظات فى الامساك بالحبل والمخاطرة والمغامرة وهو امر  
لم تعتاد عليه فى حياتها البسيطة والجميلة كما هى فى رأيها الخاص.  
لو كان القلب عاقلا لكان الامر سهلا عليه ان ينسى قصرها ويستعيد

ما كان عليه ويتجاوز الامر.. ولو كان العقل عاطفة لكان الامر سهلا عليها  
ان تبادل مشاعر الصداقة وتغامر بالطيران فى سماء الهوى.. لكن لان  
كلاهما ليس كذلك.. هى فى القصر خلف الاسوار هادئة تستمع بالحياة  
البسيطة ورافضة للمغامرة.. وهو على الناحية الاخرى من السور يستمر  
فى معافرة احزان الانتظار ويلقى الحبل كل يوم مصليا لاله المستحيلان ان  
يجعلها قصرها وطنه وفقد لقب " رجل من عالم الخيال " وتحول الى لقب  
" عاشق من عالم الجنون "

## عينيكى الحلوة

عارفة اية اكثر حاجة مخوفانى فعلا.. عينيكى..

انا بخاف منها اوى.. مع انها جميلة.. ومع ان اللمة اللى فيها  
بتخلى روحى دايم ترقص.. ومع ان النظرة الواحدة كانت فى اوقات  
كثيرة بتفرق معايا..

بس انا برضة بخاف منها.. بخاف عشان هى بتكشف قد اية انا  
ضعيف اوى قدامك.. بخاف منها عشان عينيكى دايم بتشوف جوايا..  
وانا جبان اوى قدام حقيقتى.. خصوصا لو كانت حقيقة بسهر لياى عشان  
ادارى واخبى فيها وابنى فى بيان واعلى فى سور.. وفى لحظة قدام  
عينيكى بيان كل حاجة فيا ليكى.. بسهولة كدة.. وبدون مجهود..

انا مش مؤمن بالسحر ومش مصدق فيه الا عينيكى انتى.. كل القلوب  
الحجر تتحول للمح دايب قدام عينيكى.. كل القلوب الفاضية تتملى حياة  
قدام عينيكى.. بس هى تلمع.. النجمة احلى لما ضيها بيان اكثر.. وانتى  
عينيكى نجمتين فى سما دنيقتى.. ولما اللمة تبقى مخصصة ليا عارفة  
بحس باية؟!.. بحس انى عايش وبتنفس.. والنفس بيطلع قوى  
وشبعان.. والتقل على روحى من ضغط الناس والزمن بيخف اوى لدرجة

ان روحى تطير والنجمتين يتقلبا لجناحين لروحى واطمن اكثر لانى  
عايش وبتنفس..

بس انا برضة بخاف منها... بخاف عشان الحياة علمتنى بان اكثر  
حاجة تضعفنا هو ان غيرنا يبقوا حنة مننا والناس مش بدوم.. ولما يمشوا  
ويسيبونا بيسيبوا فينا فراغ كبير واحنا يادوبك على القد.. وانا مش حمل  
غياب عينيكي لانها بقت حنة كبيرة من كيانى ومش عارف اقولك دة  
الاجمل ولا الاخطر انها بقت الحنة الاله فى كيانى؟!.. الجملة على قد  
ما هى حقيقية على قد ما هى بتزود خوفى اكثر..

عينيكي حزن ليا فى عز الاحتياج.. عينيكي نور لقلبى فى وسط  
العممة.. عينيكي طريق فى وقت التوهة.. بس لما تغيب عنى ببرد  
والشمسة الحلوة لقلبى تغرب واتوه من غيرها.. ودى المعضلة..

تعرفى انا لما بصلى بشوف عينيكي فى كل حالاتها.. بشوفها وهى  
بتضحلكى واقول يارب شبع عينيها ضحك منك وليك.. بشوفها وهى  
بتلمع ليا واقول بمنتهى الانانية يارب خلى لمعان عينيها ليا انا بس..  
وبشوفها وهى بتهرب منى واحترار واتوه واقول يارب ليه!.. ولما تجى  
جملة " نجينا من حزن ردئ ووجع قلب " فى قلب صلاتى بفتكرك..  
بفتكرك وانا خايف متكونيش معايا انتى وعينيكي فى " نجينا " وتبقى

انتى وعينيكي " وجع قلبي " فى يوم..

انا مش بتهمك لانى عارف انك مش مسئولة عن جمال عينيكي ومن  
امتا الجمال بيتحسب من الذنوب؟! .. انا عارف انك بريئة ونقية لان  
عينيكي قالت عنك حقيقتك.. انا عارف انك مكنتيش تقصدى فى يوم ان  
عينيكي تكون قوية ليا وفيا بالشكل دة.. بس انا مهزوم من غير نضال لو  
عينيكي فارقتنى.. عشان كدة انا بخاف منها.. مع انها جميلة.. ومع ان  
اللمعة اللى فيها بتخلى روحى دايم ترقص.. ومع ان النظرة الواحدة  
كانت فى اوقات كتيرة بتفرق معايا.. بس هتفضل اكتر حاجة مخوفانى  
دايم اهي عينيكي.. عينيكي الحلوة

## الحسن والرفيع والجميلة

الواقع الخشن من هؤلاء اصحاب الجلد السميك فوق جدار القلب المانع للصدق يجعلوننا نهرب من الواقع للاحلام لان الصدق يشتهي القلوب البسيطة ولان اصحاب الجلد السميك يتشبهون القوة المشبعة بتشوهات العالم.. ولذلك فى احلامنا حيث يكون عقلنا الباطن هو المخرج ومشاعرنا هى المؤلفة للاحداث تمتزج المشاهد بالابطال القادرين على انقاذنا من صعوبة واقعنا ومن تواجد هؤلاء المتعجرفين حتى لو كان الامر فى حدود عالم الاحلام.. فعلى الاقل سيبدو الامر هكذا لعقلنا الباطن باننا استطعنا فى عالم ما ان نعيش - ما اصعب اصحاب الكوايبس فهم يموتون مرتين - فى عالم ما استطعنا ان نمسح لنا فرصة ان نتلامس مع الشمس وفى عالم ما تقابلنا مع الجمال المفرط الا محدود..

لكن هو كان محظوظ ان يعيش مرتين.. فى الاحلام حيث كان يبحث كما بحث الآخرون عن النجاة.. وفى الواقع حيث تصادف مع شخصية من اصحاب الجمال المفرط الا محدود ومن اصحاب القلوب التى تشرق منها الشمس على كوكب الامل والصدق.. البطلة المنقذة التى كانت فى عالم الاحلام خرجت لعالمه الواقعى ولم يعد العقل الباطن هو المخرج بل

اصبحت ارادة الله ولم تعد المشاعر فى حاجة للخيال هى عليها فقط ان تتصادف مع من ترغب فى الواقع وحتى بدون كلمات لان بعض النظرات قصص وحياة.. ومن هنا يأتى سر جمالها المفرط.. هى لا تحتاج لمجهود حتى تشرق بالحياة على قلبه هى فقط تبتسم له وكفى.. مصادفة عيونها ستبدو لك اجمل ما حل بك منذ سنين من صدق.. لا تستغرب اعجابه بالصدق فى العيون لان الزمن افقد العيون لمعانها ورغبتها فى الحياة بسبب رؤيتها لتشوهات وملوثات العلاقات البشرية.. فى عيونها ستجد مصادقية اللقاء مع النقاء..

“ لا تسيروا مع التيار كونوا انتم التيار .. كانت تشعر باختلافها ولكن لانها مختلفة بشدة عن الاخرى فلم تعد تعرف اذا كان الاختلاف يجانبه الصواب احيانا ام ان امواج العالم فقط تنقلب على من يعاديه؟!.. اصعب الخطوات حينما تقرر الاحتفاظ بحدودك مهما اعتبر الآخرون ان تلك الحدود هى اسلاك شائكة تقهرك انتا وحدك ويصفونك بالعجرفة والنرجسية.. هى قررت ان ترسم عالمها بحدود وان تكون مختلفة مع من حولها لذلك حاولوا ان يشوهوا عالمها واستخدموا الوسائل الخبيثة فى الهجوم على الحدود وهى شعرت مع استمرارية الهجمات انها ستضعف.. انها قد تقرر التراجع فى يوم من الايام.. هى لم تعرف فقط



ان قصرها من بعيد يبدو رائعا وانيقا ومناسبا للرجال للحياة بداخله..  
لهذا رغبوا فى الاقتحام وفى الحب وفى الاعجاب وفى الصداقة وفى كل  
شئ قد يبدو ظاهريا صادق.. لكن هذا الاقتحام لم يكن سوى للامتلاك او  
للافتخار او للتباهى بالقدرة على حدودها او للظفر بالفرصة على تغييرها  
لشيئية من الاخريات..

هو رأى ما يحدث من هجمات خبيثة على عالمها فقرر ان يقف على  
الحدود لحراستها.. قرر ان يقف بقرب منها لم تعتاده هى من قبل  
والغريب انها قررت لأول مرة فى حياتها ان تسمح بذلك.. كان سببه  
انها لم يرى هذا النوع من الصدق فى العيون من قبل فالعيون اللامعة عملة  
نادرة فى كوكب ملئ بالصدأ. فشعر بالمسئولية بالاحتفاظ بنقاوتها دون ان  
يرغب مثلهم فى الاقتحام او الامتلاك ولا كان يفكر فى الفرصة وانه فى  
يوم ما سوف يمتلئ بها ايضا ليكون غنى بالحياة ويصبح له هدف مع  
الوقت ان يرغب بالظفر بالسكن فى القصر دون الاكتفاء بالبقاء على  
الحدود..

واما هى فلم تكن تعلم لماذا سمحت لنفسها بالثقة فى نواياه.. لماذا لم  
تحصن نفسها منه وقت ما تحرك نحوها؟!.. هل رأت فى عيونه نفس ما  
رأى هو فيها؟!.. الاجابة كانت غامضة جدا حتى اكتشفت مع الوقت ان

هناك شئ ما مختلف يحدث بدواخلنا يجعل بعض المقاييس التى عاهدنا  
انفسنا عليها تتغير.. لا يهم المسميات سواء كان هذا الامر ارتياح ام حب  
ام صداقة ام تلاقى بشر على قيد الحياة الحقيقية البعيدة عن الزيف  
والخداع ولكن المهم انها سمحت له بحارستها..

وبعد شهور.. مازلت هى الآن محتفظة بالقصر كما كانت تحب  
ومازال هو الحارس على الحدود كما تعود ان يفعل.. قد تختلف الاجواء  
فى حياتهما فيما بعد ولكن ستبقى القصة ان الله سمح بهذا التلاقى لكى  
يوصل كل منهما المعافرة ضد اصحاب الجلد السميك فوق القلب

## الدوشة

“ لازم ندوش الدوشة بدوشة ادوش من دوشتها عشان ما تدوشناش ”

حكمة الكيف هي كانت الخطة لكيفية الخروج من دوشة الافكار التي كانت بمثابة بيوت بلا ابواب وهو سجين فيها.. هو لا يرغب فى البقاء ولا يستطيع الخروج.. ولهذا قرر ان يستخدم حكمة الكيف وان “ يدوش الدوشة بدوشة ادوش من دوشتها ” وكان الحل هو التمشية فى اكثر الشوارع زحاما فى مدينته حتى لا يستطيع ان يسمع صوت افكاره..

حبنا للبدايات مرضى.. البدايات هي نوع من انواع الكذب الابيض الصادق.. ولهذا نحن نعشق البدايات.. نحن نتعلق بكل شئ جديد على وشك البداية على امل الاختلاف والتغيير.. هذا الحب الغريب دائما ما يكون بقلوب مرتعشة مجروحة من الماضى وراغبة فى الهجرة لمدن احلام الغد بحثا عن الامان المفقود.. ولهذا المحلات برغم حالة الركود مزينة لاستقبال العام الجديد وكذلك عيون الناس برغم حالة الاحباط وركود الاحلام مزينة ايضا لاستقبال العام الجديد وتعكس الزينة حالة القلوب الراغبة فى الانطلاق من نقطة بداية جديدة رغما عن كل شئ..

كيف يمكن لهذا الكون الواسع ان يضيق على ساكنيه الا لو كنا

بالمشاكل نتمدد.. لا يبحث عن التفاسير المرورية لهذا الزحام الشديد ونحن فى آواخر الليل لان هذا سوف يجعله يفكر وقد يغضب من المسببات مثل هذا البائع المتمرد والمعتدى على حرية المارة والمغتصب لحقوق الطريق او تلك السيارات المخالفة للمبادئ قبل القوانين.. كل هذا سوف يضيف المزيد من الزحام الى حجرة العمليات بالعقل وهو ما يحاول الفرار منه..

اغنية قديمة تفوح من كلماتها رائحة منسية لعطور الماضى ترسم على الوجه ابتسامة بريئة لكنها سرعان ما تحتضر من اوجاع المسافة بين الحاضر القبيح والماضى الجميل والقلب مثقل بالذكريات والاشخاص والعبر.. تتساقط الذكريات كاوراق الشجر فى خريف مفاجئ على ذاكرته.. هناك مواقف يتحاشاها ومواقف يتلهف للعودة لاحضانها اثار فوضى.. وهذه الفوضى عجلت برحيل الانتعاش برائحة العطور وجعلته يهرب الى زحام اكبر حتى لا يسمع صخب طرق الماضى على باب عقله..

طفل يبحث عن الرزق فى قلوب الناس بعيونه المكسورة من ضربات الحياة ولكن بعض القلوب تلقى عليه المزيد من الاحجار من قساوة ردود الافعال على استجدائه لتزيد من انكساره.. لو كان هذا العالم بلا مال

لصرنا جميعا اغنياء بالانسانية وبالمشاعر.. هل قلب الطفل مزين مثل  
الآخرين لاستقبال العام الجديد؟!.. بضحكة مقهورة من الواقع يجاوب  
عقلى " وهل هو يملك بالاساس ثمن الزينة؟! " .. فوضى جديدة من  
الافكار تزيد من الضجيج..

يبدو انها سوف تكون امسية سخيقة تعكس عالم من الصدمات  
وستضيف المزيد من الزحام وضجيج الافكار.. تفكيره فى هذا الامر فى  
حد ذاته ضجيج جديد..

يتغير المشهد مع لمسة من الله على هيئة بشر..

عجوزان ملامحهما برغم التجاعيد رائعة لانها مرايا تعكس لك ما  
بداخلهما من صدق وبساطة فى الروح والقلب وبرغم برودة الاجواء وعتمة  
الليل تشعر معهما بالدفء الجميل وبالالوان المبهجة.. فى البداية قد  
تبدو الامور عادية الى هذا الحد ولكن تصرف من الرجل العجوز بمثابة  
جواب بلا ورق وبلا كلمات..

مجموعة من الشباب الاهوج يتحركون بضجيج من الخطوات السريعة  
ليفرقوا ما بين الرجل العجوز وزوجته دون قصد ولكن باهمالهم يجلسون  
قلب المرأة العجوزة بالخوف.. لحظة تصنع مشهد من اللهفة وسط ضباب  
من الشكوك والظنون فى قلب الرجل خوفا على زوجته.. بعد ان غادر

الشباب بالعتمة من الكواليس يتصدر العجوزان المشهد وتلمع العيون  
اعلانا عن الحرية من قيود الخوف وتبتسم المرأة العجوزة ابتسامة ساحرة  
تعكس الخلاص ويرد الرجل بابتسامة ساحرة تعكس الاطمئنان مع  
الاعتذار عن الخطأ الغير مقصود فى حقها.. ثم يضع الرجل يده برفق على  
كتف زوجته العجوزة ويضمها اليه حماية لها من زحام الطريق واعلانا  
عن احتلال الامان لقلاع الخوف فى قلب المرأة.. يسيران معا وكأنهما فى  
الخروج الاول بعد الخطوبة.. يسيران معا ولو كان للحب اجنحة لطار  
بهما فى السماء من صدق المشاعر.. اتحرك خلفهما دون ان يلاحظا  
لاستمع بلحن الحب.. الحب للبعض مكياجات وسرعان ما يختفى  
تأثيره مع عوامل الزمن ولكن الحب للبعض نضال من اجل استمرار معنى  
الحياة.. هى قلوب لن تعرف الشيت لان الحب الصادق فيها لا يصاب  
بالشيخوخة

يتقابلان مع الطفل صاحب العيون المقهورة ويقدم له العجوز المساعدة  
مع ابتسامة فى قيمتها اهم من المبلغ بينما تقوم العجوزة بتقديم الكلمة  
الطيبة له التى افتقدها كثيرا.. ابتسامة وكلمة كفرو سميك يختبئ فيه  
الطفل هربا من برود الآخرين معه ويشعر بالسعادة بعد ان ذابت الثلوج  
المتراكمة على برائته وزالت كل الاحجار المثقل بها قلبه.. بعد قليل

يستمتع لكلمات الاغنية القديمة بصوتهما الدافئ وكأنهما صفوران التقيا للمرة الاولى فى سماء الهوى.. الاغنية التى اثارت الفوضى وهرب من تأثيرها يسمعها الآن باهتمام وباعجاب وكأنها بلحن جديد يجذبه الى احساس مختلف.. اذا حاولنا ان نقلل الماضى سنموت معه ولكن علينا ان نقتطف القوة ودروس الحياة من الذكريات لنغير من واقعنا الحالى للافضل.. تذكر الآن المواقف بلا خوف وهى التى تحاشى مصادفتها مع تأثير الكلمات.. بصوت العجوز ان اظهر الله له معنى جديد فى سماء الاستكشافات.. ما بين مسافات الماضى والحاضر قدمت له الحياة القدرة على الاستمرار دون اشخاص او اشياء ظنها فى الماضى او كسجين لا يمكن الاستغناء عنهم..

حفنة من التتهنيدات تنطلق مع رحيل العجوزان من المشهد.. وبعد ما تم القاء القبض على الضجيج وتغير حاله الى الافضل بسببهما يذهب لاحدى المحلات ليشتري زينة لاستقبال العام الجديد ويبحث عن مداره الخاص فى فضاء الامنيات والاحلام شاعرا بقوة جديدة فى قلبه.. تبدلت افكاره ناحية فكرة البدايات.. حب البدايات ليس مرضى وعشقها هو قمة الصدق والرغبة فى التغيير.. ولكن لكى تكون بدايات حقيقية تحتاج الى الايمان وتحتاج الى الحب

انه رجل ناجح يستطيع ان يحول الخشب لذهب اذا اراد.. لا يعرف  
الخسارة.

هو اسعد الرجال على الارض وجهه دائما مشرق بالابتسامة.  
الحب يا سيدتى هو السبب فى تلك الحالة الجميلة هناك امرأة انا  
اعرفها جعلته سعيدا هكذا.

تعطى الحياة فى بعض الاوقات السعادة لمن لا يستحق..  
انا احسده.. لماذا هو بتلك الحالة دائما؟!.. هل يحبه الله اكثر  
من؟!..

صار الكل يعرف كل شئ.. صار الكل الهة على الارض وامتلكوا  
القدرة على كشف خبايا العقل والقلب.

الحقيقة ان بعض الابتسامات هى اسوار حماية للاحزان حتى لا  
تركض على ملامحنا وترفع راية الاحتياج وحينها سنصاب بالخذلان  
اكثر وسنحصل على جروح اعماق.. ببساطة لان اصعب اللحظات هى  
حينما نحتاج بشدة ونحاول ان نظهر هذا الاحتياج بقصد ونمارس طفولة  
الماضى فى الصراخ طلبا للمساعدة ونتردى الاسود حدادا حتى يشاركنا  
الاخر الحزن ولكن فى النهاية تكون المحصلة هى " الوحدة " فنتألم اكثر



## الفراق

اصعب لحظة هي اللحظة اللى فيها اهم جزء فى حياتك قدريا يفارقك  
ومتقدرش تمنع.. تبقى عاجز قدام المارد البارد الغير رحيم فى علم المنطق  
المحدود الخاص بعقولنا ومشاعرنا.. اشخاص غاليين علينا فارقونا بغير  
ارادتنا او ارادتهم لكن لان دى كانت حكمة وترتيب القدر الصحيح فى  
مواعيده دايما..

اعز الناس لما يفارقوا عالمنا بنحس اد اية عالمنا دة فاضى وواسع علينا  
ويبدأ احساس الوحدة يتسرب ما بين فراغات خوفنا لاعماقنا.. انفساك  
المتقطعة بالبكاء سابقا على حبيب غالى عليك سواء اب او ام او اخ او اخت  
او صديق او حبيب ويقرر الموت انه يخلق مسافات ما بينكم بتبقى انفاس  
محروقة برماد الذكريات جواك.. بتحس اد اية انتا صغير وساذج امام  
قوة الموت لكن بيفضل جواك سؤال يطاردك فى حزنك وفى وحدتك  
ومكتوب على حيطان حياتك فى كل ركن منها مع صوت نبضات قلبك  
الحزينة فى خلفية المشهد وتسأل.. الناس اللى ماتت دى لسه حاسة  
بيننا؟!

جايز كل شئ يموت فى الخارج لكن فى حاجات جوانا مينفعش

تموت..

هى مدينة حياتها احتلت ببرودة الموت اللى اتسرب فى كيانها فى عز شبابها وكانت لسه بتحسس طريقها فى العالم.. والدتها كانت الايد اللى بتشدها لبكره واللى بتاخدها بضحكتها وبحنيتها لعالم ملوش حدود من السعادة والامان.. كانت هى السبب فى رسمة ملامحها اللى بتضحك للدنيا.. لكن الملامح بفراق والدتها اترسمت بشكل مختلف.. لما بتبص فى المرايا مش بتشوف غير بنت وحيدة ومجروحة من غيرها..

اصعب احساس مش بسبب احساس الفراق لكن احساس الخوف من بعد الفراق.. بيحاولوا يقنعوا فيها بان لازم تعيش حياتها وان والدتها لسه شايفها وهتأخذ بالها منها.. خايفة تصدقهم ومتبقاش دى الحقيقة.. وخايفة تكذبهم عشان هى محتاجة لانها تصدق..

عارف يعنى اية احساس ميعاد مقابلة حبيبك يبقى مؤجل لاجل مستحيل؟؟!!.. احساس بيخلي الجسد يرتعش وكل ذكرى تخطر فى بالك تخرج دمة من قلبك والروح تغيب بين غيوم الحقيقة اللى بتوجع.. اللى بنحبه مش هنقدر نشوفه بعيننا.. صور اللى فارقونا بتفضل هى صورنا المفضلة اللى بنجرى عليها وقت ما نحس اننا محتاجينهم.. وغالبا طول الوقت.. بستان الشوك يكبر فى روحك وروحك متبقاش فاكرة شعاع

النور اللى ببفرح.. هو ءة اللى كانت بتمر ببه ونفسها ءءل فى آله زمن  
ببرعها طفلة وببرعها لوقت كانت مبتفارقش ببها ءضن والءءها..  
وبكون معها مصباح علاء الءبن وءءمنى امنبة انها مءكبزش ابءا والزمن  
بقف عنء طفولءها عشان ءفضل اللحظة اللى ببها زهرة ءبائها موءوءة  
معها للءلوء

لكن بفضل السؤال الصعب من بفر ابابة..

وفى يوم من الايام اللى بءعبش ببها وسط ءكربائها كانت على مبعاء  
مع شوكة ءانببة بءءاول ءكبفر فى قلب قصءها.. ماس كهربى ونار بءءرق  
فى كل ركن فى ببءها.. مبقتش عارفها ءعمل ابة بفر انها ءصرء بصلاة..  
الموء لسه مصرة على انها ببفر من الروابة انها ءمشى فى الاءءاة  
الطببعبى.. ببعانء وببضءك فى وش قلبها بمءءهى الكبرباء.. النار  
بءبفر ءءرق فى قلبها ببز اكءر من ءرقها فى اءاء الببء.. الءوف  
عمال ببكبفر مع قرب النار لبها.. ءاسة انها على وشك النباءة..  
الانفاس بءءرب منها بمءءهى الصعوبة.. الموء ببقر بءر واكءر  
لكن فءأة كل شئ ببببءب.. والنار فءأة اسءسلء.. اءراءء  
وانسءبء وسابء ركن الببء من بفر ما ءءاول ءءاءمه.. شئ عببب  
وشئ ببفر

مع ان السواد بقى لون الحيطان ومع ان البيت اتحرق ومع ان الاثاث  
اتحول لرماد ومع ان البيت طعمه طعم الذكريات والطعم الحلو بالنار  
اتحول لمر... ومع ان الطبيعى انها تصرخ اكثر وتترجى الظلم انه يحن  
فى احكامه.. لكن كانت بتضحك..

كانت بتضحك بجد ومن قلبها وكانت دموعها بتخرج فرحانة اوى..  
مش عشان هزمت الموت فى لحظة معجزة لكن عشان حقيقة تانية كانت  
هى مستنياها من زمان اوى.. اجابة السؤال الصعب اتكتبت من تراب  
الرماد وخرج غبار امل ضحك قلبها من تانى

ركن البنت اللى النار مقدرتش تقرب ليه كانت البنت فيه واقفة  
تحت برواز لصورة والدتها.. الركن الوحيد اللى النار ضعفت قصاده  
ومقدرش تقرب منه والبرواز فضل زى ماهو بيلمع زى النجمة فى سواد  
الليل والصورة صورتها اللى لسه بتضحك بتحدى وبصدق.. ساعتها  
فهمت ان والدتها لسه بتحرسها.. ساعتها فهمت انها هى لسه الحماية  
ليها... وانها هى لسه الايد اللى بتشدها لبركه

## اللغم

لما تخاف تخرج انفاسك بطريقة غير مناسبة منعاً للانفجار.. لما تكون  
تحركاتك ممنوعة منعاً لحدوث كارثة.. لما تتحول لعاجز ومستسلم  
ويصبح الامر خارج عن سيطرتك.. لما تكون فى حزن " اللغم "  
سمعت عن البطل الخارق المشهور بأسم " لا يخاف الموت "  
تعالى اعرفك على النوعية المزيفة..

مخلوق من طين لكنه كان مبهر.. كان فى نظر الكل موهبة من نور..  
عضلات عقله تفوق عضلات جسمه.. كانت الموهبة القدرة على فك  
الشفرات.. اعقد واصعب الشفرات كانت قصاد موهبته مجرد لغز بسيط  
فى مجلة ميكي.. محتاج لوقت بسيط بانه يمارس اسلوبه الاعجازى فى  
عيون الناس فى حل الشفرة.. فى العقول حفر اسمه بحروف من نور  
بكبرياء البطل.. الشفرات مكنتش مجرد شفرات لعمليات حسابية او  
الكثرونية.. الشفرات كانت شفرات قنابل والغام.. مجال الخطأ فى  
محاولاته كان " صفر " .. صحيح ما فيش مجال للخطأ فالموت فى الحالة  
دى مؤكد.. لكن كان يملك التحدى والقدرة على المواجهة وعدم الهرب  
وفى عصرنا ده " معجزة " .. عنده القدرة على النجاح والحفاظ على

استمرارية نسبة الخطأ عند الرقم " صفر " .. عنده القدرة على الثبات  
ومنع الضعف والخضوع فى لحظة لقاء الموت مع الحياة

العجيب فى اسلوبه هو اصراره على التمسك بالمواجهة فى اخطر  
الظروف .. ازاي واحد يقبل يضحى بمتعة الحياة السهلة ويخاطر بمقابلة  
الموت كل يوم؟! ..! العجيب فى عدم رغبته فى اى محاولة من المحاولات  
انه يفكر يرتدى اللبس الواقى ضد الالغام والقنابل .. ازاي يرفض الحماية  
ويستسلم للمشيمة وللموهبة؟! ..! العجيب فى انه بيواجه .. ويواجه ..  
ويواجه .. وما فيش فرصة للتردد لانه يدخل فى قلبه .. ما فيش براح  
للخوف فى روحه .. ازاي البرود يفضل صامد قصاد جمر الخطر؟! ..!

هل هو واحد من البشر واتحول مع الوقت لمعجزة؟! ..! ولا كان فى  
الأصل معجزة وعاش فترة " عادى " وسط البشر؟! ..!

احنا مش بنتولد معجزة يبقى الاقرب للحقيقة انه واحد من البشر  
واتحول لمعجزة .. لكن

بما انه واحد من البشر فين المشاعر فى حياته؟! ..! هل كرسى  
مشاعره مشغول؟! ..!

طب لو مشغول فمين القادر على انه يعيش مع انسان بيواجه الموت  
فى كل لحظة؟! ..!

مين يقبل بانه يتحمل خطر فقدان اعلى واقرب الناس ليه فى كل  
يوم؟!..!!

مين اللى يتعايش مع القلق وانه يكون تؤام روحه ومين اللى بالنسبة  
له الانتظار كائن لزج بغيض مضطر يعيش معاه يوميا ويقبله كضيف ثقيل  
فى عالمه؟!..!!

فلاش باك. خيانة.. فلاش باك.. هزيمة

من سنين وهو انفاسه محبوسة.. السجن كان اقرب انسان فى  
حياته.. وخانه.. حوله لكتلة من الحجر

من سنين وهو احلامه مقتولة.. القاتل كان اقوى ضحكة فى دنيته..  
وقتله.. حوله لجثة من الجمود

الحقيقة ان من زمان اوى ومسرح حياته كان مليون ممثلين بارعين..  
وفجأة خلصت المسرحية والجماهير صققت.. العرض خلص والممثلين  
مشوا.. فجأة كراسى مشاعره فضت من بعد مغادرة كل الناس للمسرح..  
فجأة اكتشف انه اتخان واتهزم..

قرر يعاقب الحياة بشكل مختلف.. قرر كل يوم يحط فى مسرح  
حياته " لغم " ..

زمان لو كان قصاد لغم كان بيحاسب على انفاسه منعاً لخروجها

بشكل غير مناسب وينفجر.. كان ييمنع تحركاته بعشوائية منعا  
للكارثة.. كان يقبل انه يكون عاجز ومستسلم لسير الظروف وللمشيئة  
حرصا على الحياة.. لكن اللغم كان اذكى منه..

ومع اكتشاف المصيبة مكنش للاسف ذكى للمرة الثانية فى مواجهة  
حقيقة الحياة..

صحيح انه من زمان اوى عرف ان مافيش داعى للخوف من الموت  
عشان خاطر الحياة لان الحياة نفسها بتمارس الموت معانا فى كل لحظة  
بالبطى.. صحيح جايز اللغم كان قادر يقتله مرة واحدة لكن الحياة قتلتة  
الف مرة.. صحيح مكنش فى داعى لارتداء سترة واقية ضد مارء الموت  
لانه جرب السترة الواقية ضد قوة الحياة ومجبتش فايذة..

لكن الحقيقة مش انه كان بطل فى مواجهة الموت.. الحقيقة فى  
حقيقة البطولة انها كانت عدم رغبة فى الحياة

خلى بالك مش كل اللى بيخاف من الموت شجاع.. فى ناس بتهرب  
فى حضن الموت خائفة من الحياة



## أجمل ضعف

اصعب الاسرار هي الاسرار اللى بنخفيها عن نفسنا ومش بنقدر نعترف بيها لنفسنا.. لما بنعشق بنخاف نعترف بحجم التورط اللى بنكون فيه وبرغم جمال الحالة وروعة هذا النوع من التورط لكن يفضل عدم ادراكنا ودهشتنا من قدرة الحب على التسرب العميق فى اعماقنا ودواخلنا سبب لخوفنا من الاعتراف

كان مار د قصاد اى نوع من انواع التجارب.. كان على طبيعته القوية فى التعامل مع مواقف الحياة المختلفة.. حياته زحمة من الثقافة والمعرفة والخيال.. العالم الخاص بيه كان مختلف عن باقى البشر لانه عالم اتعود على الخشونة والصلابة والثبات قصاد كل شئ والعجيب انه اتعود بطريقة عجيبة فى المواجهة بانه يضحك.. ضحكته اصدق قوة ممكن تصادفها فى حياتك.. كان ما بيسمحش بان العالم الخاص بيه يتهمز لاي سبب.. خصوصا لو كان السبب هو الحب.. لان اغلب العوالم اللى حواليه كانت غير مستقرة بسبب التورط فى الحب فكان نظرتة للحب نظرة مقتصرة على المعرفة فى الروايات والافلام والخيال لكن فى الواقع يفضل الامر بالنسبة له مستحيل.. مكنش من الممكن انه يعرض ثبات كونه

## لحالة اهتزاز

هو الوحيد اللي لو كانت " سندريلا " سقط حذائها قدامه مكنش فكر لحظة فى انه يطاردها للارتباط بسبب جمالها الساحر.. لكن كان يفكر فى الخامة المصنوع منها الحذاء والفيزيا الخاصة بطريقة سقوط الحذاء والفلسفة المرتبطة باهداف سندريلا الخفية فى انها تسقط حذائها بهذا الشكل قدامه.. مكنش فى نيته ابدًا انه يفكر فى جمال سندريلا.. مكنش فى قلبه براح كفاية وسط الصلابة والقوة يسمح بالكائن اللزج الضعيف " فى رأيه " اللي ببسموه " الحب " بانه يدخل جواه.. كان شايف كل البنات متشابهات فى الركوض ورا الارتباط ودة خلى ايمانه بنظريته اقوى.. كان مقتنع وهو فى حالة العزوبية باقتناع الرجال المتزوجين المتأخر بان العالم المثالى هو العالم الخالى من النساء لحد ما قابلها.

المعجزة مكنتش بس فى قدرتها على تغيير نظرتة لكن المعجزة كانت فى حالة السعادة اللي هو عليها وهو بغير فلسفته بخصوص الحب.. مكنش مصدق ابدًا بان " الكائن اللزج " هو اجمل كائنات الارض اللي بيخليه يلمس السما.. مكنش متوقع ابدًا ان فى قلبه فى براح كبير لحالة جميلة من العشق والمشاعر والاحاسيس.. كل دة اكتشفه معاها.. كل دة

حسه معاها.. بدون ادراك وبدون وعى اتورط فى الحالة الجميلة.. حتى الروايات اللى بيعشقها وحتى الكتب اللى كانت اجمل رفيق لقلبه بقت فى المركز التانى بعدها لان قلبه كان مشدود للبنت الحلوة اللى قاعدة ملكة متوجة فيه.. حتى خياله واحلامه كان اجملها لما كان بيرقص معاها الرقصة الحميمة رقصة الفرع.. حبها مغيرش من عالم الصلابة والقوة الخاص بيه لكن بالعكس هو ازداد قوة بوجودها.. هو ازداد قوة عشان يحميها وعشان يسعداها.. حبها مغيرش من صدق ضحكته لكن ادى للضحكة موسيقى احلى ونغمة اروع

اصعب الاسرار ولكن اجملها هو سر الحب.. حالة الدهشة مع قدرة الحب على التسرب فى اعماقه ودواخله انتهت لانه عرف السبب.. السبب فى ان الحب هو سبب وجود الانسان وهو سبب استمرار الكون وهو أسمى معانى الله.. الطبيعى اننا نحب.. والطبيعى اننا لما نحب نعشق.. خصوصا لو اللى بنحبه كان سبب فى تغييرنا للأفضل وسبب فى ايماننا اكثر بالحياة والسعادة

## القلوب الدافية

فى مشاكلنا بنطلب النصح من الاخرين بس ساعات اكرت حاجة بنبقى محتاجينها بس ان حد يسمعنا.. مش اكرت من كدة.. حتى لو احنا مقتنعين جدا اننا فى النهاية مع المشكلة لوحدها..

عملى كطبيب عرفنى حقيقة مهمة.. اننا كلنا بنعانى.. وان اهم حاجة فى المعانة اننا نسمع بعض.. ونسمع من قلوبنا

ملاحها بتعكس تاريخ.. كل تجعيدة فى وشها بطعم البيوت القديمة العتيقة المليانة بالخير والعائشة بالصمود.. عينها العسلى اللى تقل الجفون من تقل السنين بدأ يخبيها مقدرش يخبى سحر نظراتها الحنية.. عيونها كانت سيل من المشاعر الدافية اللى فى تلاقى نظرتنا حاويتنى كأن عيونها فيها شئ منى.. صوت خطواتها البطيئة زى كتاب حواديت بيتحكى بصوتها براحة وبهدوء عشان تعشق القصة اكرت.. مش محتاج تسأل عنها او تعرف حقيقة منها هى من اول نظرة بتتفهم.. هى أم

بابتسامة طالعة تعافر وسط شقوق وشها زى الشمس بتخرج تتسحب فى اول الفجر كانت بتبسم ليا.. انا مكنتش شايفها مريضة ابدا ولا

حسيت بلحظة بعجزها.. انا حسيت بعجزى انا وصغر حقيقتى قدام  
حقيقة عايشة بصمود قصاد مارء الزمن بمنتهى القوة.. انا شوفت  
تاريخها المشرف من لوحة ملامحها وابتسامتها المستمرة اللى بحكايتها  
اللى اتفاجئت بيها اتأكدت اكتر من ضعفى وعجزى

نطقت بالسلام ودفا صوتها برغم رعشته وصل لروحى وحسيت  
ساعتها بانى قدام شخص مش عادى.. رديت عليها بابتسامة اعجاب  
وصبحت عليها بالخير اللى هى سبب من اسبابه.. كانت اول جملة  
نطقتها هى الدعا قبل حتى متقول شكوى مرض.. عرفت وفهمت انها  
عايشة تشكر وانها مهما عانت بتسكت.. كنت مبسوط جدا بالدعا  
منكرش لانى عارف ان ابواب السما عشانها هى بتفتح وان جناين الحياة  
بتتروى بدعا الام.. طوبى لاولادها

بدأت تتكلم بصعوبة وكان واضح جدا انها محتاجة لحد يسمعها  
دلوقت.. صحيح الصمت فضيلتها المفضلة لكن قطر العمر بيعدى وخايفة  
تموت بالسكوت.. معرفش انا سبب راحتها فى الفضفضة ولا كوم الوجع  
اللى بيزيد عليها كان اكبر من احتمالها.. بدأت تخرج كمية ضخمة من  
الادوية لكوم من الامراض اللى اغلب المسنين بيعانونا منها.. بدأت تحكى  
وتتكلم بدون ما اقاطعها لانها كانت اخر مريضة فى العيادة وانا حسيت

باحتياجها للكلام وكأن الكلام كان واحشاها.. حسيت كأن جواها الف  
كلمة لسه مقلتهاش.. حسيت ان لسه الحكاية غامضة.. حسيت ان  
العيون لسه مخبية وجع..

بعيون متركزة عليا وكأنها مستنية رد فعلى لما تنطق بالحقيقة..  
بلحظات تردد بتحتمى فى سكوت لحد ما يتجمع فى القلب شجاعة بانه  
يحكى.. وانا مش بحاول اعدل من قرار صمتها بنفسى ولا استفسر عن  
شكوى تانية لانى كنت حاسس ان الحاجز ده هى اللى محتاجة تكسره..  
عشان كدة فضلت ساكت زيتها.. فى وشوش بتعكس قلوب.. وفى وشها  
حسيت بان حكايتها مخلصتش.. كل المساحات ما بينى وبين سرها  
ضاقت لما كشفت عن دراعها

كدمات مختلفة بمجرد ما شوفتها وبرغم انى ياما شوفت حوادث  
واصابات ومفروض بحكم عملى انى اكون اتعودت لكن ضعفت.. هى  
ضعيفة وهذيلة وحجم الكدمات كان مخيف.. جلدها المتكرمش من صراع  
الزمن مكنش يحتمل صراع تانى.. بصوت خايف من الاجابة سألتها عن  
سبب الكدمات.. عرفت ان اكبر كدمة فيها كانت على اوضة قلبها.. كانت  
الاجابة " ابنها "

يتسحب من رثتيك هوا الحياة لما تعرف حقيقة توجعك وتندفع دموع

من قلبك لعينيك بحكم الاوضاع اوقات تمنعها.. منعت نفسي لكن لو كانت دموعى خرجت كانت هتهتف بغضب " هي ام رائعة واحنا الابناء كلنا اوغاد " واخذها فى حضنى واعتذر لها.. اعتذر لها عن قسوة ابن على أم منحته الحياة والسعادة والراحة والامان والسلام وهو منحها الآه والوجع والالم.. اعتذر لها عن كسرة خاطرها وقلبها اللى عاش وعافر وكافح مش عشانها لكن عشانه وفى النهاية داس هوا على قلبها بمنتهى الكبرياء.. اعتذر لها عن تاريخها المشرف اللى صمد قصاد مارذ الزمن لكن مكنش فى لحظة يتصور انه يصمد قصاد اهم جزء منه..

خرجت دموعها مع ابتسامة رضا وصوت صافى زى قلبها بتقولى انها عارفه انه بيحبها..

فى كلام بنقوله واحنا مش مصدقينه لكن بنبقى عاوزين نصدقه عشان نرتاح ولو بنضحك بيه على نفسنا.. كان كلامها من النوع ده... واذاى اقولها " لا مش صح ".. اذاى مخليهاش تصدق كذبها اللى هى محتاجة عشان تعيش تصدقه.. كنت فاهم دايمًا حقيقة فى قلبى انك لما تحب حد على قد حبك هيكون حجم احتمالك.. لكن مساحة حبها اكبر من مساحة الكون وعمق احتمالها محتاج للغة جديدة عشان اوصفه..

وصفت ليها علاجها من الناحية الطبية لكن من ناحية القلب مع انى

عارف انها كل يوم بتطبطب على روحها وبتحضن فى قلبها عشان يناموا  
مرتاحين وميحسوش بالوحدة اتخطيت قواعد المهنة.. اى قواعد وهى  
انسانة فوق مستوى البشر.. على ايدها انحنيت وقبلتها كتكريم واعتذار  
كان لازم يتقدم لأم عظيمة..

خرجت هى لمصيرها وعارفة انها فى النهاية مع المشكلة لوحدها لكن  
كانت بس محتاجة لحد يسمعها.. وكان من نصيبى انى اكون الحدة..  
سمعتها من قلبى وعرفت اننا كلنا بنعانى بس مافيش داعى نفضل انايين  
بالشكل دة واننا نفكر فى ان " كلنا " بتشمل افراد احنا كشباب مش  
بنلاحظهم فى معانتهم.. اهم ناس تعبوا عشاننا ومحتاجين لاعظم شهادة  
تقدير على تضحياتهم لينا..

كثير مننا بتسرقهم الدنيا وبينشغلوا ببرنامج حياتهم المهم لكن  
للاسف بينسوا الشخص اللى منح ليهم السعادة والحياة.. بينسوا الشخص  
اللى احتواهم وهما اطفال عشان يكبروا ويبقى ليهم احلام وطموحات  
ومستقبل.. انا يومها قررت ارجع بيتى واول حاجة اعملها انحنى لايد  
امى واقبل الايد اللى خلقتنى بنى ادم



## النسخ القديمة

عرفت انا ليه دلوقت لسه بحب الافلام العربى القديمة اللى دايما بتنتهى بجواز البطل من البطلة.. انا وحشتنى النسخ القديمة اوى  
القصة بدور فى مدرسة الفرير.. طبعاً انا كبرت ومش رايح ادرس  
واعيدها من الاول لكن دى لجنتى الانتخابية.. كنا فى مرحلة انتخابات  
الاعادة ودة كان تانى يوم فى انتخابات الاعادة لرئاسة الجمهورية... وانا  
بحب اروح تانى يوم عشان يببقى فاضى اكتر " ودة تقريبا تفكير الاغلبية  
فبالتالى يببقى زحمة برضة "

انا بقى لجنتى فى " مدرسة الفرير "... مدرستى فى ابتدائى  
واعدادى.. فيها ذكريات حلوة مقدرش انسها.. كنت اتمنى انى اكون  
خدت قرار كتابة اليوميات دة من ايامها.. كل تفصيلة صغيرة عن المدرسة  
واحداث يومى فيها نفسى افكرها لكن فى حاجات برضة متتنسش.. زى  
اول قصة حب كانت فى المدرسة دى

تعتبر اول قصة حب صامته فى التاريخ تقريبا بدايتها ونهايتها  
صمت لانها كانت قصة حب مبنية على النظرات العميقة والايحاءات  
الابتسامية المتبادلة بين طرفين.. اة فعلاً كلام كبير قوى وانا كنت فى

خامسة ابتدائي مش فاهمه اصلا لما حبتها.. بس انا اوقات بقول لنفسى

انى مش هعرف احب تانى بالشكل دة

فاكر اول مرة شوفتها... يومها كمان حصل صوباعى على اسعد صوباع

فى العالم

كانت اجمل بنت فى العالم.. على الاقل فى نظرى انا... دخلت

حياتى من بداية سنة خامسة ابتدائي لما كنت باخد درس خصوصى.. كان

مدرس " بتاع كله " كان بيديني عربى وانجليزى ودراسات وعلوم "كان

قرب يدينى دين مسيحى" بالرغم انه مسلم.. وبرغم انه شاطر جدا لكن

يرجع ليه الفضل فى فشلى على مستوى النطق فى الانجليزى لسنين كثير

لانه كان ولا " اسماعيل ياسين فى الانجليزى " .. وكان صاحب اغنية

شهيرة لما يجى يسمع فى الحصة ويردها " مشربش الشاى.. اشرب

كازوزة انا " .. الله يرحمه كان صوته بشع

نرجع لاجمل بنت ولاول مرة اشوفها

المكان : بيت فى السبع بنات كانت بنت صاحبة البيت زميلة لينا

وعندها اخدنا الدرس

التوقيت : مش للدرجتى هفتكر

تفاصيل اكثر عن المشهد : فاكر الارضية الخشب اللى كنت بخجل

ببص فيها لوجودى مع بنت صاحبة البيت لوحدنا مستنين استاذ يحيى  
وانا كنت من النوع الخجول...ركز فى " كنت " ..والكان كان يادوبك  
عبارة عن تربيذة خشب وكراسى خشب وشباك خشب..يوم كله خشب  
فى خشب.. لكن جمود اليوم اتحرك مع دخولها

تطور المشهد : اقدام تتحرك لصندل يحرك عيني من الارضية  
الخشب لاجمل فراشة على رجلين بتتحرك..بمجرد ما نظرى جة  
عليها....قلبي نبضه زاد..فاكر احساسى..جايز تكون درجة حرارتى  
علت لحظتها..كانت لحظة كأنها دهر لما عيني جت فى عينها...فستانها  
البرتقانى جايز يكون السبب فى ارتفاع درجة الحرارة اكثر كونها زى  
شعاع الشمس اللى نور اوضة الدرس بس كل تركيز الشعاع كان عليا  
انا..نسيت كل الكلام اللى اتعلمته مع انى كنت الاول على المدرسة فى  
تالطة ابتدائى..ومع انها قالت "مساء الخير " لكن فقدت النطق وابتسمت  
ورجعت تانى للنظرة للارض الخشب..اظن ان كانت اكثر امنياتى بعد  
نهاية الحصه الاقى صندلها واقع على الارضية الخشب واروح ارجعلها  
الصندل..بعيدا عن المبالغة بس هى فعلا كانت سنديريلا...كنت مستنى  
من بعد ما بدأت الحصه اى فرصة لسؤال واعمل فيها سرحان فى الاجابة  
عشان اخطف نظرة ليها..اظن وانا فى خمسة ابتدائى كان عندى

رومانسية نزار قباني مع انى طبعاً مكتنتش قريته فى السن دة

اما اول لمسة كانت اثناء الحصة ومع وجود كلمة غريبة فى النص اللي كان بيقرأه استاذ يحيى من كتاب العربى..شاورت انا وهى على نفس الكلمة..قدر الصواب وتلاقى افكار سمح بخلق لمسة..لمسة خلت كل جسمى يتحول لسبابة...كان صوباعى دة اسعد صوباع فى العالم باللمسة فى اعدادى كانت معايا فى نفس الفصل فى الفريير..ولدة تلت سنين حصلت كل الاحداث الصامتة الممكنة بين طرفين فى الاعجاب..من ابتسامات سحرية لاحاديث عيونىة..كنت بارد على مستوى الفعل " بطبعى كنت خجول " وهى كانت تتلذذ فى استفزازى وتميل للاستهبال احياناً.. مشكلة الحب الصامت انك ساعات متبقاش عجبك تصرفاتها ولانك ملكش كلمة عليها مش قادر تنطق.. وتبقى هى غيرانة عليك جداً بس مش عارفة تنكد عليك.. مشكلتنا ان كل واحد بدأ يستخدم عيوب الحب الصامت تحدى قصاص التانى.. وكانت " الفسحة " هى الوسيلة لممارسة هذا الجزء الخبيث من الحب

لكن يفضل الاجمل هى المشاعر والذكريات اللي فضلت محفورة فى قلبى والاحساس نفسه بالحب كان احساس جميل كأن جواك رغبة بتجذبك لعالم مليان بالالوان والدفا والضحك من القلب.. احساس جميل

انك تحب واحساس اجمل انك تتحب.. احساس جميل انك تقول  
للاوكسجين اركن على جنب وانك تعيش على حبيبك كمصدر للحياة..  
انك تتعمد تروح كل دروسك فى اتجاه بيتها عشان تلمحها وعلى اللحظة  
الواحدة جمال يومك كله ينحصر فيها.. انك تسمع اسمك بيتدرد جنب  
اسمها فى الاشاعات الخبيثة اللي بتتطلع ما بين الشلل النمامة فى  
الفصل.. اظن ملامحها كانت اهم مذاكرة ليا وكنت مدمن دراسة عليها  
سواء فى عالم الواقع او حتى فى عالم الخيال..

كل دة افكرته وانا واقف قدام التلت فصول بتوع اعداى قبل ما  
ادخل لجنة الانتخابات.. كل دة افكرته وانا قلبى فرحان بطفولتى اللي  
كانت مليانة رومانسية وبراءة.. مش عارف قدام الفصول كنت مشتاق  
لاول قصة احب اكتر ولا لطفولتى اكتر.. بس كل اللي اعرفه انى مفتقد  
النوع دة من النسخ القديمة فى الاحاسيس والمشاعر والنسخ القديمة من  
الاشخاص والنسخ القديمة من رومانسيتى

## انه لا يتألم

يقولون ان الاسهل ليس الاجمل وان كان الطريق سهلا فاخترع له الحواجز.. انا اكره اصحاب هذا الرأى لانهم يفترضون جدلا اننا قادرون!.. من اين اتوا بهذا اليقين؟!.. نحن ضعفاء.. نحن فقط نجتهد عبتا في اخفاء هذا الضعف.. من فينا لا يرغب فى حياة بلا وجع؟!.. من فينا لا يرغب فى ان يلامس احلامه الآن قبل الغد؟!.. من فينا لا يرغب ببساطة فى ان يكون العالم هو فقط ومن يحب دون مسافات؟!.. من فينا لا يرغب فى يكون الحب بلا عذاب بلا الم؟!.. البساطة هى الاجمل والطريق الملى بالحواجز هو عالم مرهق ونحن لا نقدر على تحمل ارهاق العالم لنا نحن الضعفاء وخصوصا لمشاعرنا..

اذا اراد شخص الرحيل من عالمك سوف يأتى اليك بالف حجة ولكن تبقى الحقيقة انه " اراد ".. هى ارادت واعطت اكثر من مبرر ولكن سيبقى انها " ارادت ".. هى لم تشعر بعذاب القرار لان الراحلون يظنون ان النسيان امر سهلا واننا سوى نطوى مجرد صفحة فى كتاب العمر بعد عدة ايام ولا يعلمون اننا سوف نظل نعثر عليهم فى كل صفحة قادمة لانهم لم يكونوا على الهامش فيما مضى بل كانوا فى منتصف كل جملة

فى يومياتنا تنتهى بامل او حياة او سعادة..

كان الاثر عميقا حينما قالت له انه " استثناء " .. وكانت الكلمة هى البداية ليعطى لها الحرية فى ان تتجول فى طرقات احلامه واسراره وغرفات قلبه الشاغرة منذ سنين فى انتظار القادرة على اقتحام حصونه.. نساء عديدات حاولن القفز فوق اسوار جموده للوصول الى قلبه الحصين وهى دخلت ببساطة من الباب الامامى وفى عدة شهور بسيطة احتلت كل شئ فى عالمه وكان اجمل احتلال فى اعتقاده ولم يكن قادرا على ان المواجهة لانه احبها بصدق.. فقد كان الضعف الاجمل.. كان مؤمنا بانه ليس هناك خطر فى الحب مدام صادقا بما يكفى.. وهو آمن بصدقها..

والآن ماذا عليه ان يفعل؟!.. الاجابة قد تبدون بسيطة ولكن ليست بتلك السهولة الاجابات التى تتعلق بمعانى الحياة لانه ببساطة ماذا ستفعل لو كان الاوكسجين كائن ماثل امامك وطلب الرحيل من عالمك؟!.. وهى كانت له كذلك..

" انه لا يتألم.. انظر اليه جيدا خلصة دون ان يدري ولا ارى اى علامات للوجع فى تصرفاته او حتى فى ملامحه.. مبتسم كما اعتاد وقوى كما كان.. لم يخيب توقعاتى بان غيابه لن يؤلمه.. لا اعرف اذا كانت تلك التوقعات تجعلنى مطمئنة لاني لست تلك الانسانة الظالمة التى قهرته

وقهرت احلامه وحقه فى الحب ام فى حقيقة الامر تلك القوة التى مازال  
عليها تجعلنى اشعر بالاهانة بانى لم اصنع له الفارق لكى يشعر؟! .. هى  
تنثق فى قدرته على التجاوز والنسيان غير متألة من الفراق ..

عندما قابلها صدفه وجد فى عيونها تلك العبارات القاسية على قلبه  
الضعيف فهرب بعيدا بنظراته عنها لتركها فى افتراضاتها الهزلية  
والبعيدة عن حقيقته المؤلة ..

فى الحقيقة هو فقط يتظاهر بالقوة امامها مع انه يعلم بان شيئا من  
قلبه وروحه ينطفئ مع كل محاولة لاختفاء الضعف بتلك المسرحية  
الهزيلة التى تدعى " الكبرياء " .. ولكن اى كبرياء لدى القلب  
المهزوم؟! .. هو مؤمن بان الالم لا يظهر على السطح .. الاعماق هى التى  
تتآكل بالالم .. لان الالم الظاهر سوف يزداد بالشفقة وهو لا يرغب فى  
شفقة .. هو فقط يمارس قوته الظاهرية وفى داخله وجع غير محدود .. كل  
رغبته الان هو ان لا يرغب فيها لانه مازال ينتظرها وهذا اشد آلاما ..



## ذكريات بطعم الشيكولاته

بعض الذكريات بمثابة تناول الشيكولاته.. تفتح العلبه وتلتقى مع القطعة الاولى.. بعد القطعة الاولى لا تستطيع ان تتوقف بعدها عن الرغبة فى الاستمرار وهكذا هى الذكريات.. بعد الذكرى الاولى لا تتوقف عن النهم والبحث عن باقى ما يربطك بالماضى..

التفاصيل البسيطة تجذبه للعالم الذى يفتقده.. قد تبدو التفاصيل بعيدة عن المنطق لمن يرى الصورة من الخارج.. لكن فى عمق قلبه كل شئ يرتبط بها.. حتى نسمات الهواء فى هذا المكان يراها على شكل حروف اسمها.. يتكلم معهم ولكن اذن قلبه تستمع لها هى فقط حتى لو كانت غير ماثلة امامه.. هو كان معهم بجسده فى الواقع ولكن قلبه وروحه معها فى الخيال.. لان الخيال ما هو الا تحايل على الواقع حتى نفوز بكل شئ.. فان كانت هى غير موجودة فى الواقع فعلى خياله ان يحضرها حتى يفوز بلقائها مرة اخرى فى نفس المكان..

يشعر بكل شئ وكأنه يحدث الآن ولا احد يلاحظ انه فى تلك اللحظات ليس معهم سوى بالجسد.. هو ينصت الآن لرنين ضحكتها الجميلة التى كانت كخمر عتيق تسكره وهو يستمتع اكثر بفقدان الثبات

والهجرة من وطن الصمود والكبرياء.. هو يشاهد الآن عيونها البريئة \_  
عجوبة العالم الثامنة \_ التى كانت تسحره مرارا وتكرارا وتصيبه  
بالتلعثم عندما يصادفها وهو فرعون الكلمات..

هو كان فى لحظة استمتاع مع الذكريات حينما كان يبدو وقتها ان كل  
شئ جميل وسيظل على نفس النمط التصاعدي حتى يلتقى مع قمة  
المثالية.. ولكن الحياة لا ترتدى فساتين الفرحة.. كانت الذكريات تحدثه  
عن حلمه معها.. عن تورطه فيها.. الحب خفى لا يعلن عن نفسه عندما  
يقتحمنا ولكن حينما يستبيح اعماقنا وتصيح كل تصرفاتنا وردود افعالنا  
غير طبيعية ومجنونة وقتها فقط يعلن عن نفسه.. هكذا كان معها وهم لم  
يدرك.. لم يدرك ان لحظاتها البسيطة وكلماتها القليلة عندما يتقابلان  
سوف تدفع بقلبه لبرمودا العشق ولن يصمد قلبه امام دوامات الحسن

هى اسمى من النجوم.. فبرغم الجمال النجوم فى السماء قد تتشابه..  
ولكن هى فى النساء لن تجد لها شبيه.. لا تحتاج انوثتها الى ادوات  
التجميل والمكياج والملابس حتى تظهر.. انوثتها تظهر عندما  
تتحدث.. غامضة بعض الشئ ولكن بعض الغموض ساحر حتى وان كان  
يفوق صعوبة معادلات الفيزياء فهو يخلق فى نفس الوقت معادلات  
كيميائية غرامية مشتعلة فى قلب الآخر.. هكذا كانت تفعل به دون ان

تدرى.. لم تدرك ان لحظاتها البسيطة وكلماتها القليلة عندما يتقابلان  
تسافر معه لمدينة احلام اليقظة حيث لن يكون على قيد الحياة الا لو كان  
على قيد حياتها..

ولكن حتى جمال الخيال فى الحياة لا يدوم.. عندما انتهى من  
الاستمتاع بالرقصة الحميمة مع الماضى تسلل احساس مختلف بين  
فراغات الذكريات والواقع.. احساس باصعب افتقاد وهو افتقاد من نشأت  
اليهم وغير مسموح لنا بالسؤال عنهم.. كان يتمنى لو صاحب الوقوع فى  
الحب اشارة مرور ليعرف ما ان كان عليه الاستمرار فيه او الابطاء او  
حتى التوقف عنه.. لكنه هو الآن يعلم وهو يقف فى نفس المكان الذى  
تعرف فيه عليها للمرة الاولى بان الحب لا يموت والمشاعر لا تختفى..  
فقط كل شئ يحاول ان يختبأ خلف قناع النسيان وان المشكلة ليست فى  
الرحيل لكن المشكلة فى انهم رحلوا باجمل ما فينا..

يدرك وهو يقف الآن فى هذا المكان بانه مازال فى حالة العشق  
الاستثنائى.. فهى من كسرت قاعدة " البعيد عن العين بعيد عن القلب "  
فدرجة البعد تتناسب تناسباً طردياً مع درجة تورطه اكثر فى الحب..  
كان يظن ان الزمن قادر وان المسافات قوية حتى ينتصر على ما هزمه من  
قبل.. لكنه فى هذا المكان ادرك انه لو كان هناك ما هو اكثر من " الابد "  
لاحبها لزمن اطول

## فراشة السما السابعة

هى فراشة.. تطير ببهجة بين اركان السماء السابعة ولا تهتم كثيرا سوى بالاستمتاع بان تعيش كفراشة.. اجنحتها الملونة تضيف لها قدر من الثقة فى انها مميزة بما يكفى ويجعلها حرة.. حرة فى ان تنتنفس كما تريد وتلك هى اقوى الحريات للمرأة فى عالم اعتاد على الهواء المزيف والمثالية الهشة.. تلك الحرية التى يفقدها البعض مع اصراره على الدخول الى المتاهات الضبابية كمثل اراء المجتمع وعاداته القيدية وما بين الحرام والحلال نفقد النقاء.. وهى فراشة نقية احتفظت بحقها فى الاستمتاع بدون فوضوية..

فى الحقيقة ان الفوضى هى ان تكسب احترام من حولك بهاجس الخوف وتقتل نفسك عبثا تحت مسميات التقاليد وتفقد انطلاق الروح بارادتك لدواعى المجتمع.. وهى رفضت حياة الخنافس..

هى اختارت ان تسكن فى الوطن المفعم بالحياة والنقاء بعيدا عن هذا الهراء المجتمعى ولا تستطيع ان تراها سوى واننا ننظر لاعلى الا لو كنت مثلها تعيش فى نفس براح النقاء.. هى الشموخ والكبرياء فى الاتحاد مع البراءة والنقاء وتلك هى القوة فى فراشة السماء السابعة..

وعلى الرغم من ان الفراشات قد تخشى المطر الا انها مختلفة لقربها  
من السحاب بحكم المعيشة فى السماء السابعة.. فجناحها الملون يستمد  
من المطر طاقة للحلم وحينما يزداد هطول الامطار تغادر الاحلام عقلها  
سريعا لترسمها لوحات حية ما بين احضان المطر.. لا اعرف فى تلك  
اللحظة هل هى التى تستمتع ام المطر هو الذى يستمتع بها؟!.. كانت  
تتمنى لو كانت تجيد الرقص ولكنها لا تعرف ان العالم كله يرقص معها  
حينما يكون قلبها فى تلك الحالة من النغم.. عندما يسكن قلبها السلام  
الداخلى ولو كنت محظوظ بالتواجد فى عالمها فى هذا التوقيت فانا اضمن  
لروحك رقصة حميمة مع البهجة..

اعظم الحكايات تكتب فى العيون.. لو كانت فى زمنه لما احتاجت  
للحديث حتى تحكى لكى يستمتع شهريار.. لا تندesh من تلك "   
التناحة " الغربية التى تصيبك عندما تنظر الى عينيها مباشرة.. عيونها  
اعمق من ان تكتفى بنظرة لحظية.. وفى حالة الارتياح اليك فحديث  
عيونها الفضفاض قد يستغرقك مدى الدهر حتى تكتفى منه.. اما عن  
الضحكة فلن تكتفى.. تلك الضحكة التى تتمنى ان تقابلها كل يوم لكى  
تدرك ان كوكب الارض مازال على قيد الامل..

جمالها مثل الشجرة يستظل بها كل من عانى من الحياة ولكن من

الغباء ان تكتفى بالاستغلال معتمدا على جمال الملامح دون ان تقطف من  
ثمار روحها الجميلة.. وفي كل الاحوال هي لن تترك لك المجال لو كنت  
بهذا القدر من السطحية.. هي بسيطة ان ارادت وهي عميقة كما ينبغي ان  
نكون.. هي فراشة السماء السابعة فلو رغبت في مقابلتها تعلم ان تطير  
للسماء بالقلب وبالروح..

## عصفور بلكونتى

وانا صغير كان عندى عصفور ماشوفتش عصفور زيه شجاع بالشكل  
دة.. عصفور يعمل عش فى بيت مسكون كانت مغامرة.. لكن العصفور دة  
عملها.. وفى بلكونتنا.. ومكنش بيخاف منا..

يعنى اية حياة؟

ببساطة دة اللي احنا فيها دلوقت واحنا بنتكلم عنها  
تاريخيا وحسابيا دى حياتك زائد حياة اللي قبلك زائد حياة اللي  
بعدك

فسيولوجيا احنا صنف من اصناف الكائنات الحية الحياة هى اللي  
بنعيشها بصحة وعافية وبتتنفس ونعيش زى ما نعيش فيها لحد يوم ما  
يجى النصيب ونقفل الستارة عشان صلاحية الصحة والعافية انتهت

روائيا حياتك دى القصة اللي مكتوبة من قبل ما تبقى مشروع خلفه  
بين والدك ووالدتك اللي كانوا زيك برضة مشاريع مكتوبة فى ادارك ربنا  
ومن زمان قوى بس دة مايمنعش ان ربنا مديك الحرية فى تأليف الرواية  
بس خلينا فى البساطة.. حقيقة الحياة هى انها اللي احنا فيها

دلوقت واحنا بنتكلم عنها

فى نوعين من الحقيقة فى حياتنا.. الحقيقة اللى احنا عاوزينها والحقيقة اللى احنا عايشنھا.. ابن المحظوظة هو اللى عنده الاثنين واحد.. فى النهاية تفضل حياتك هى محصلة لاختياراتك ولو حياتك مش عجبك يبقى انتا اكيد مخترتش صح او جازي تعاملك مع اختيارك الصح كان غلط او جازي اصلا ما بتختارش ومقضيها صدف او سايب حد يختارك

اسال نفسك السؤال دة وجازي تبقى منهم.. هى اية الحياة بالنسبة لك؟

فى ناس عندهم الحياة اختاروا تكون هى الحب.. الحب هو معنى الانسانية.. انسان مبيحبش يبقى ميت عايش بنفس مش اكرت.. بس لو اختصرت كل الحياة فى الحب هتبقى مشكلة لو اتجرحت.. وجروح الحب مش بسهولة بتتداوى وبالتالى كدة هتبقى حياتك مع وقف التنفيذ لحد ما تتداوى.. دة لو حصل نصيب ولقيت دواك.

وفى انواع تانية من الحب غير اللى بالى بالك تبقى لناس هى معنى الحياة.. زى الصحاب وتبقى الصداقة هى الحياة بس برضة جروح الصداقة غشيمة ومحدث فينا مصادفش جرح صاحب من اول واحد لعب



معاك فى حضانة وخمك فى الاستغماية والموضوع كبير لانك مبقتش بتصدق لحد ما فضح سرك وخان عهده معاك وانتا شاب او عجوز ومبقتش عارف تصاحب حد بثقة.. بس معنى كدة ان الصداقة لو انتهت تنتهى الحياة؟!.. اكيد لا.. وبعدين لو الحياة هى صداقة بس امال ليه بنفكر فى الجواز مكننا نقضيها صحوبية وزمالة مع الجنس الاخر وكفاية على كدة.. لا مش منطقي ويبقى حتى الانواع الثانية من الحب غير اللي بالى بالك ممكن تلاقى فيها مشكلة ولو ملقتش يبقى انتا من صنف ابن المحظوظة السابق ذكره بس دة ميجعلكش قاعدة بان الحياة هى الحب او ان الحياة هى الصداقة

وفى ناس عندهم الحياة هى الفلوس.. الفلوس هى كل حاجة فى حياتهم.. الماديات اسمى الوجود عندهم.. حتى تفكيرهم فى اللي حواليلهم نابع من الفلوس.. وتتحول المشاعر اسمى حاجة عندهم للمكية المادية.. يعنى الاب يفكر فى ولاده انه يجمعلهم فلوس ويشغل هنا وهناك عشان يأمن مستقبلهم وفى نفس الوقت من كتر ما بيعجرى ورا الفلوس ميلقيش وقت يعقد معاهم مثلا ولا يتكلم معاهم ويبقى معاهم اب مع وقف التنفيذ لمجرد ان حبه ليهم بقى فلوس

وفى ناس تجمع فى قصور وعربيات ومش بتشيع دايمًا والسبب فى

دة شهوة.. شهوة ملهاش شبع.. شهوة متعرفش النوم المرتاح ولا السعادة الدائمة.. تعرفوا مشكلة الفلوس الوحيدة اية؟.. انها ملهاش اى ثلاثين لزمة واحنا اللي بنخلى ليها الف لزمة.. تخيلوا كدة دنيا مفياهاش فلوس وكل واحد عنده اللي يكفيه من اكل وشرب له ولاسوته.. كان يبقى ليها لزمة؟!..! اكيد لا.. لكن اللي خلق الحالة هو الجشع.. ومش غريب ان نسبة الانتحار اكبر بين الاغنيا عن الفقرا لان ببساطة سر السعادة مكنش فى الفلوس لكن فى القنوع والرضا وميمنعش ان فى ملايين فى السنة بيموتوا من الجوع وكانت الفلوس بقت هى الحياة ليهم لو كانت فى ايديهم.. بس فى النهاية الكل مش هياخد غير شوية تراب فوق تابوته.. ولو كانت الحياة بقت فلوس للبعض يبقى السبب فى دة ناس كتير اوى جشعة وناس كتير اوى مظلومة بسببهم لكن مش عشان حقيقة الحياة هى الفلوس

فى ناس تانية حياتهم هى الشغل وفى ناس تانية حياتهم هى كيف وفى ناس تانية حياتهم هى الشهوة وفى ناس حياتهم هى الوطن.. فى انواع كتير اوى من التعريفات اللي بتختصر معنى الحياة لناس كتير اوى معانا على نفس الكوكب.

لو سالتنى انا.. الحياة لو عاوز معنى مثالى ليها اسال عنها العصفير

شوفوا كدة الفئة دى.. الحياة عندهم خبرة وحكمة ماضى مع استمتاع واستغلال حاضر مع حلم وتخطيط مستقبل ، والصلة ما بين كل النقط اللى فاتت هو ربنا وضحكة وايمان وامل.. حياتهم مش بيوقفها جروح.. حياتهم اكبر من معنى واحد تختصر فيها الحياة اللى اهم وزنة اداها ربنا للبنى ادم بانه يعيش.. وهو اوقات بيعيش ميت.. حياتهم حياة عصافير

حياة العصافير مافيهاش جشع مافيهاش كسل مافيهاش قلق ، بيصحى مع نور الشمس بأمل وبيشتغل بغنا وفرح ويجيب رزقه له ولعصافير عشته وبدون جشع وبدون ما ياخذ اكر من حاجته ومسلم قوى لربنا بانه رزقه زى ما جة النهاردة هيجى بكره ، ولو رزقه قل او فى يوم شاف الخطر يقدر يطير لبعيد قوى وبكل الثقة فى ان بكره احلى

اظن اجمل اجابة لسوال اية هى الحياة؟؟.. متسمعهاش من بنى ادم لكن اسمعها من عصفور.. عصفور بلكونتى فضل عايش حياة وسطنا وبدون قلق وبدون جشع وبكل سعادة وشجاعة وغنا.. وفى يوم لما قررنا ندهن شقتنا ومن ضمنها البلكونة.. كان لازم ياخذ قرار الرحيل.. وفعلنا طار بعيد.. بس مكش خايف ، طار وهو بيغنى.

## مزىكا الرضا

متعود انه يسمع صوت فيروز مع لحظات وداع الليل الاخيرة.. صوت فيروز هو الصوت اللى بيخلى كل واحد فينا يلمس ولو للحظات قلب قلبه وعمق مشاعره.. كان مجهز كل حاجة عشان يبعد عن الدوشة والزحمة وكل حاجة صعبة شافها فى اللحظات البسيطة الاخيرة من يومه.. فرصته انه يحارب الحياة بتبقى فى صوت فيروز.. طلع فى البلكونة بشورته وفانلقته ومع عصيره المفضل وصوت فيروز العالى بيحرك كل شئ حواليه للاعلى.. بيجرى على كوكب النسيان عشان يمسح همومه.. غمض عينيه وبدأ يحلم بكل شئ جميل..

لكن دندنة بسيطة بدأت تقاطع تأملاته الخاصة.. الدندنة لفتت انتباهه وخرجته من دايرة الاحلام لعالم الواقع وكانت الدندنة اشبه بمزىكا جميلة ولكن غريبة.. كأنه صوت مدفون من سنين وبينادى بالحياة.. لكنه كان صوت دافى اوى وفيه مغناطيس بيجذبك.. ساب كل حاجة وبص من البلكونة عشان يعرف مصدر الصوت.. راجل عجوز فى عتمة الليل بيحنى ظهره على الارض وكان ببساطة بيدور على لقمة اكل فى كوم زباله لكنه كان بيغنى..

عجبية!!

ازای المزيكا بتقدر تخرج منه وهو موجه؟!.. ازای الالم والفقر والجوع بيطلع منه مزيكا؟!.. ازای بيعيش بالمزيكا وهو فى حكم العالم هامش؟!.. والاهم ازای دندنته البسيطة قدرت تنافس جمال صوت فيروز فى انها تجذب زى المغناطيس؟!.. يا ترى هو بيفكر برضة فى انه يحارب الحياة فى لحظات وداع الليل الاخيرة بانه يغنى.. للدرجة دى هما متشابهين؟!

مقدرش يقاوم فضوله.. جرى على المطبخ وجمع كل الاكل الموجود فى تلاجته.. ملهوف على المقابلة مع الرجل البسيط قبل فوات الاوان.. خرج بالشورت والفانلة ونزل على السلم ومكنش عارف السلم هو اللى يبساعده وبيختصر نفسه بنفسه عشان يوصل ولا هوا اللى كان بينط عشان يلحق الراجل الفقير.. الفضول ناحية الحقيقة سر الوجود ودة كان سبب اندفاعه

لحظات بسيطة بدون اى كلام.. مجرد وشين بيضحكوا بابتسامات متبادلة.. عيون مليانة فضول بتعرض المساعدة وعيون مليانة امل بتقبل المساعدة..

آكل الراجل البسيط وكان على وشه ابتسامة رضا.. ضحكة حقيقية

وصافية وصادقة مفيهاش اى شوايب مرسومة بايمان على لوحة تجاعيد  
الزمن فى ملامحه.. عيونه مليانة شكر.. الفضول مستمر وبيزيد مع  
الوقت والاسئلة عاوزة تهرب من قيود الانتظار.. لاحظ انه اللي اكله اكل  
بسيط اوى ومش بياكل بنهم ولهفة زى ما كان متوقع.. بالعكس صوت  
الدندنة كان لسه بيطلع بمنتهى الهدوء مسموع وكأن الصوت خارج من  
قلبه.. لحظات بسيطة والراجل العجوز خرج من جيوبه المقطعة اكياس  
سمرة كان متعشم يرجع بيها مليانة عشان خاطر عياله.. بدأ الراجل  
يجمع الاكل فى الاكياس السمرة وكأنه اب بيجمع الهدايا لولاده.. على  
وشه سعادة اكتشاف كنز.. مراقبة تصرفاته بتزيد للهفة على الاجابات  
للاسئلة.. بعد ما انتهى رفع ايديه وعينيه للسما يشكر ربنا على النعمة  
ورفع عينيه المليانة حكايات فى عينين المحترار يشكره على المساعدة..  
المحترار مقدرش يتحمل وهربت الاسئلة من سجن الانتظار عشمانة فى  
اجابات تفهمها

ازاى المزيكا بتقدر تخرج منك وانتا موجوع؟!.. ازاى الالم والفقر  
والجوع بيطلع منك مزيكا؟!.. ازاى بتعيش بالمزيكا وانتا فى حكم العالم  
هامش؟!.. ازاى الدندنة البسيطة غلبت فيروز الجميلة وجذبتنى زى  
المغناطيس ليك؟!.. احنا ياترى متشابهين فى انك بتغنى عشان تحارب

## الحياة؟!!

ابتسم الفقير وبدون اجابة اتحرك بعيد عن المشهد ماسك فى ايده  
كنوز عياله وشوية بشوية بيختفى.. والمحتار زى ماهو فى مكانه  
بيحتار اكثر واكثر فى الحقيقة

رجع للبلكونة مع عصيره المفضل بشورته وفانلته بيسمع صوت فيروز  
لكن المرة دى مش عشان ينسى لكن عشان يستوعب ويفهم

المزيكا اللى جوانا مش محتاجة معجزات عشان تخرج.. المزيكا اللى  
جوانا محتاجة بس " الرضا " .. الحياة بسيطة وجميلة مش زى ما احنا  
متخيلين.. احنا فاكرين اننا محتاجين نحارب الحياة عشان نكمل.. لكن  
الحقيقة احنا بس محتاجين نحارب اعدائها عشان نكمل.. اوعى تحارب  
حياتك واوعى فى يوم تكرها.. الحياة مزيكا والميسترو لكل حاجة حلوة  
فيها هو " الرضا "

## كن م. نونا ترى الوجود جنونا

“ كن مجنون.. ترى الوجود جنونا ”

تحذير : هذا الفصل من الكتاب قد يكون فى منتهى العبقرية وقد يكون فى منتهى الهبل

عزيزى القارئ انا خايف عليك منى لان الفصل دة عجيب شوية فى فكرته.. انا بقدم لىك دعوة صريحة للمجنون..

حفلة افكار من اخراج خيال مجنون.. بيقدمها فى رأى افضل ممثلين جماد.. مع موسيقى راب باعلى دوشة ممكنة فى فص الدماغ.. الدعوة مفتوحة طبعا بس كل اللى حابب يتجنن للحظات ميفوتش الدعوة فى رأى.. جايز يحب الموضوع والجنون يستمر معاه.. وجايز الموضوع ميعجبوش ويفضل بعقله.. فى الحاليتين انا مقتنع بان الهدف من كتابتى للفصل دة هيوصله..

“ كن مجنون ترى الوجود جنونا ”

اضرب صحوية مع الشمس.. واتمشى مع شعاعها على الكورنيش.. عاكسها وقولها احلى كلام غزل.. قولها عن طموحك واقنعها بيبك كافضل



شريك حياة.. هتضحك الشمس من قلبها ليك وتدى لجواك دفا محستوش  
قبل كدة والوعد يطلع قبل الغروب منها ببكره احلى

قول للقمر اجمد نكتة انتا عارفها.. فى بداية الليل.. يضحك هو  
عليها لحد الفجر.. واسهروا سوا.. ضحك وقصص وحكاوى وكأنك قاعد  
احلى قعدة مزاج مع صاحبك على اى قهوة.. قصاد السهرة معاه هتلاقى  
امان وحماية وستر وكمان سكك جديدة مفتوحة

جمع سجايرك الفرط اللى فى ادراجك والورق اللى ملوش لزمة  
ومنسى فى جيوبك.. حظهم قدامك وكلمهم عن اهمال الناس وعن  
نسيانهم ليك.. هيفهموك اكرت وهيسمعوك من غير مقاطعة

بالمرة وانتا فى جيوبك لو لقيت منديل مستعمل اوعى ترميه.. هات  
منديل تانى لسه جديد.. حظ الاتنين قدامك وقصاد بعض خلى العيون  
تتقابل.. هتلاقى الجديد خاف والقديم بكى.. ويقولوا كلام مخصوص  
عشانك.. ارجوك انسى الجروح متحطهاش قدامك عشان حلمك ميقلقش  
استغل حيطانك اللى محوطاك فى كل ركن من اوضتك وانتا قافل على  
نفسك وحيد.. وارسم على الحيطان خيال احلام عاوزها وهتموت عليها..  
هتلاقى فى الحيطان شبابيك وعيون امل والاوضة وسعت ومبقتش لوحده  
ألمس وردة عيونها مفتوحة لمقابلتك.. وحسها بمنتهى الصدق..

ومتقولهاش ولا جملة غير " انا محتاجك اوى .. غمض عينيك وانتا لسه  
ايديك فى ايدها واوعاك تنكر فى اى حاجة غير انك تحس لمستها..  
هتلاقى نفسك مرمى فى حضن عيونها.. ولستها تبقى فى لحظة مرهم  
لتكشيرتك

فى قلب الشتا.. مع رعشة برد مجمدة امل.. اقف فى نص الشارع  
ومتستخبهاش من المطر.. دلوقتى خليه يجرى فى ارض مشاعرك بمنتهى  
الحرية.. واملا قلبك بالشتا.. هتلاقى ضحكة طفل شقى واخذك لبكره  
عافية وغصب عن خوف حضرتك وجمود بردك اختفى

فى يوم صبح مليان غيوم اطلع من بلكونتك وخذ قرار ونفذه.. هعمل  
النهاردة " دماغ سحب " .. اولا بتفرد ذراعك وتطير لفوق.. توصل لاعلى  
كمان.. ايوه تمام.. لحد السحاب.. بمنتهى الشموخ ترفع مناخيرك.. تشد  
اجمد نفس عندك من السحاب.. تبص دلوقت لارض وانتا فوق..  
هتشوف الدنيا اوضح وفى مفهوم جديد اتسرب جواك.. الدنيا كبيرة  
والحلم عايش وسحره حاضر مهما كانت الغيوم.. سحر السحاب يشقلب  
كيانك مع كل خبطة يأس ويطلعك من غيومك والصبح يبقى بالسحاب  
عنوان تفاؤل

راقب نمل احتل ركن فى قلب بيتك.. متعرفش امتا وازاى قدر يقتحم

بدون ما يقول لحضرتك.. وافتكرا احساس احتل ركن فى قلب حضرتك..  
متعرفش امنا وازاى قدر يقتحم حضرتك وكنت مستغرب.. واضحك اوى  
لأنك فهمت

قرب ودنك من دقة ساعة متعلقة على الحيلة هتلاقى صوت عقرب  
مزعج مع كل ثانية بيعاند فيك.. اشخط فيه واغضب بكل قوتك واشتم زى  
منتا عاوز فيه وصرخ باعلى صوتك.. مافيش رد فعل منه غير انه مكمل  
وغير انه بيمشى فى طريقه ومعاند فيك.. ابعد ودنك واسمع نفسك..  
هتلاقى صوت جواك بيقولك الحياة فرصة مضيعهاش فى الغضب  
مع نهاية الحفلة ومع التجربة اتمنى لك جنون سعيد وبالتوفيق

## السحر

برغم ديونها وفقر جيوبها وعنادها معايا.. لا بصادفك بشكرها ☺  
فى اوقات فى حياتنا الغيوم بتتراكم على المشهد وتظهر الدنيا قدامنا  
بشكل ضبابى وبتختفى الاحلام ورا التراكمات اللى بتحصل.. الغيوم دى  
بتكون ضغوط وبتكون مشاكل وبتكون علاقات متشابكة.. بنحس بحجر  
تقيل على قلوبنا وكأن الغيوم هدفها ان قلوبنا تغرق فى بحور العتمة..  
بتحس بان انفاسك بتخرج منك بتصرخ بتطلب النجدة عشان هوا منعش  
يدخل جوالك ينقذ باقى ما فيك من حياة

احنا فى وقتها بنبقى شايفين احتياجنا لبطل خارق يقدر يتنشل بقايا  
الحياة والاحلام اللى فينا ويرجعنا تانى نعيش.. الافلام اللى دايمًا  
بتتكلم عن الابطال الخارقين بتكون افلامنا المفضلة.. برغم اننا كنا فاكيرين  
ان حبنا للافلام دى يتعلق باحلام الطفولة المجنونة زى رغبتنا فى اننا  
نطير مثلاً.. لكن بنكتشف بان حبنا للافلام دى بيستمر مع الزمن  
وبيتعلق اكتر برغبة داخلية كامنة جوانا فى رغبتنا فى البطل الخارق  
اللى يخلينا نعيش بامان بدون خوف بدون عتمة تقدر تغلبنا

بس الحقيقة المناسبة البعيدة عن قدرات البطل الخارق هو الاحتياج

للاهتمام.. احنا بس بنبقى محتاجين اهتمام من حد بنحبه ويحبنا..  
ويكون اهتمام صادق.. تكون بس اذان مصغية مستعدة تسمعنا فى وقت  
الفضضة حتى لو مش عندها حلول كفاية انها تساعدنا بس عندهم براح  
كفاية انهم يشيلوا همونا معانا.. ساعتها فى وسط الغيوم والعتمة يظهر  
نور الامل فى ان لسه فى بكره جاى وجايز يكون بشكل تانى وبروح  
تانية وبألوان تانية

العجيب فى قصتى انى مختلف فى البطل الخارق الخاص بيا.. هى لا  
تقدم اى شئ ظاهر.. هى لا تقدم اى اهتمام مادي.. شخص بعيد جدا عن  
المشاهد الحياتية اليومية لكنها حاضرة فى كل لحظة من لحظات اليوم..  
هى ببساطة شخص لا يملك سوى كل شئ.. دة انسب تعريف لقدرتها  
كل حاجة ناقصة حاجة وهى مش موجودة جنبى لكن تفضل هى  
السبب فى كل حاجة حلوة عايشة فىا لحد دلوقت.. من مجرد قرايتك  
لل كلام تحس بانى عايش فى قصة حب لكن اننا ابعد ما يكون عن قصة  
حب

هى اللى فككت حصار قلبى من الغيوم.. هى اللى قومت احلامى من  
تابوت العتمة.. انقذت فىا روح الحياة.. حولت صراخ الانفاس لاصوات  
مزيكا فى سما جديدة كلها امل وتفاؤل.. مبقاش فى حجر ثقيل على قلبى

على ارجاع الوان الحياة فى اليومية.. مش فاكرا ازاي قربت منى وازاي  
هى دخلت العالم الخاص بيا واقتحمت احداث السيناريو بدون ضجيج  
وبدون ازعاج.. كانت بذرة فى ارضى الواسعة لكن كانت بذرة صاحبة  
جذور قوية قادرة على اقتحام صلابة ارضى.. كأنها عارفة نقط ضعفى  
وهى البساطة والاهتمام..

مكنتش محتاجة غير شهور قليلة عشان تثبت حضورها فى دنيتى..  
مين يقول ان البنت الصغيرة صاحبة ال 18 سنة تقدر توصل للمكانة دى  
فى قلب الرجل صاحب ال 25 سنة.. جايز لان قلب الرجل اتعبى  
بتجاعيد من الزمن ومن الناس وكان محتاج لحد قلبه بسيط وبدون  
تجاعيد يقدر يجدد فيه القدرة والقوة على المعافاة.. وجايز لان قلب  
البنت كان لوحة بسيطة ومحتاجة لرسام يرسم ليها اشكال الحياة اللى  
شافها وينقلها من عالم المثالية لعالم الواقع عشان يطلع قلب البنت  
شجاع.. عشان كدة جايز تكون صارت الصداقة برغم الفروق فى العمر  
مسموحة للاحتياج المتبادل..

مش كل ما بين ولد وبنت بيكون الحب.. فى حالة جميلة ممكن  
تتخلق ما بين الولد والبنت بعيد عن عالم الحب والعشق وبالعكس بتكون  
الحالة دى اكتر ثبات واكثر امان.. فالدخول فى عالم المشاعر مخاطرة

دائمة.. لكن الحالة الجميلة اللى ما بينى وبينها هى حالة بدون خوف..  
هى حالة فريدة مليانة بالصدق وبالحماية المتبادلة وبالاهتمام المتبادل..  
هى اختى من غير اب او ام لكن هى قدرت بجينات صدق الاهتمام  
والبساطة تبقى عضلة. فى روحى ودة اجمل علم وراثة يدرس فى تاريخ  
البشرية.. علم وراثة الصداقة الخالية من المصلحة ومن فروق العمر ومن  
ثقافة المجتمع ومن دوشة الحب..

احنا كتير بنعقد كل شئ.. لدرجة ان اغلب الحاجات الحلوة اللى  
مش بناخد بالناس منها كويس او مش بنشوفها بتكون قدام عينينا.. احنا  
كتير بنفكر فى التفاصيل لدرجة اننا بننسى الصورة الكبيرة.. احنا ليه  
بندور على الصداقة؟!.. احنا مخلوقين بالاحتياج مش عشان ربنا بيعذبنا  
بالبحث.. لكن عشان ربنا بيكملنا وبيكبرنا بالبحث وكل ما ندور اكثر  
كل ما ربنا بيعت لينا اكثر ويفهمنا الكمال اكثر.. انا دورت كتير  
وشوفت كتير لدرجة انى نسيت الصورة الكبيرة اللى انا محتاجها..

ارجوك سيبك من الناس مراعاة فروق التفكير مش معناه عدم مراعاة  
احتياجات القلب.. بالعكس لما تشوف حقايق اكثر وتفهم وتستوعب اكثر  
هتتحس باحتياج اكبر للحالة اللى تسبق معرفة الحقايق.. الحقيقة بس  
بتخلينا نحارب قدام احسن لكن اوعى تخلصى الحقيقة تفقدك ايمانك

وبساطتك.. وهى بالماضة والجنون والتلقائية رجعتنى لادراك قيمة متعة  
البساطة مرة ثانية.. عصفورة فى كل صبح جديد تتطلع تزقزق وتغنى  
بخفة ومرح.. وانا قلبى صاحب نبض عاشق للحياة.. ازاى يرفض وجود  
عصفورة بتدى بغناها شجاعة لروحه فى مواجهة الحياة؟!



## هي وقمرها

سحبت كرسي بهدوء وقعدت قدام شباكها... جواها الحقيقي بدأ يخرج.. وبدأت الحقيقة خلاص تبان... فتحت باب السجن لمشاعرها... هي نجحت و استخبت بحقيقتها خلاص عن كل الوشوش اللي كانت خائفة منها... وحتى عن الوشوش اللي هي حباها قدرت برضه تستخبي... وجه وقت الحقيقة...

جه الوقت اللي تظهر فيه بحقيقتها وتتعرى بكل تفاصيلها قدام الحاجة الوحيدة اللي ممكن تفهمها.. " السما "...

عيونها المتكحلة بالخوف متسلط عليهم نور.. نور صديقها القمر اللي دايمًا بتستناه عشان تحكى معاه.. ونور تافه بيخرج ما بين اللقطة والثانية من موبايلها اصل هو أداة هروبها من نفسها لدوشة الفيس بوك وفوضى الغير وتفاصيلهم عشان ترتاح من طول القعدة مع أفكارها لوحدها ما بين وقت للتاني وكأنها هدنة...

وما بين جمال نور القمر وتفاهة نور الشاشة بتقضي الليل وتسهر... تسهر وعيونها تحكى عن الحواديت اللي في قلب يومياتها لقمرها...

تسهر وتوضب مع السما في دولا ب تفاصيلها... تخرج التفاصيل بكل قوتها وبكل اندفاعها من عقلها وقلبها...

تفكر في اللي كان روحها ومبقاش موجود إلا في جروحها... وتفكر في اللي نفسه يبقى معاها والماضي بجروحه للأسف مكتفها....

تفكر في تمثيلها بثباتها وفي ضحكة عالية بتعكس قوة مش فيها... وتفكر في مين شاف الضعف في عينيها ومين حس بوحدتها في اللمة ؟!... تفكر في انها مش صعبة عشان تتفهم منهم.. بس صعب انها تتفهم صح... تفكر في انها حرة وان حريتها حق من ربنا ليها... وتفكر في حدودهم اللي دايماً عليها فرض ويبعتبروه خطأ- من ربنا عقيدة...

تفكر في كل اللي اتقال ليها حتى لو كان كلام تافه.. وتفكر في كلام اهتمام وحب وملوش وجود غير على الشفايف... وتفكر في كلام اهتمام وحب وملوش نصيب في انه يبقى جواها عايش... وتفكر في كل النظرات اللي فهمتها... وفي كل النظرات اللي عرتها.. وتفكر في كل النظرات اللي جرحتها.. وفي كل النظرات اللي ضايقتها...

تفكر في اللي حواليتها وتخاف... تخاف من اللي حبوها.. وتخاف من اللي حبتهم.. وتخاف من اللي بيجرحوها... وتخاف على اللي بتجرحهم...

تخاف تقرب فتتعشّم.. ثم تتعلّق.. ثم تدمن.. ثم تندم... فتخاف  
أصلاً أنّها تقرب...

هى خائفة طول الوقت ومعندهاش ثقة فى حد... الا بس فى قمرها...  
وعشان كده فى آخر كل ليلة قمرها بعد ما يسمعها وبعد ما تفتّهي من  
كل حواديتها بينزل مخصوص وهو راسم على ملامحه وش أمير ويوصل  
لحد شباكها... ويحضنها... يحضنها أوى... لحد ما حضنه يوصل  
لجواها أوى.. عشان تشبع... عشان تقوى..  
ثم مرت لياالي كتير لحد ما حصل تغيير...  
والمشهد اتحول...

وبقى المشهد لبنت قاعدة على كرسي وعيونها بتلمع من الفرحة  
ومتكحلة بالحلم.. قاعدة قدام شباك اوضتها وغنى قلبها للسما مسمع...  
وقمر فى السما طالع من بعيد بيبص ليها ويبضحك... بس من غير ما  
يقرب و يحضنها.. أصله عارف التغيير.. خلاص صديقه بقى ليها أمير  
وبقى نور اسمه لما يظهر على شاشة موبايلها فى كل ليلة بيعلن ظهور  
قمرها الخاص.. أملها الخاص.. حبها الخاص.. وصوته بقى الحزن اللي  
يستوعب كل حواديتها.. وقلبه بقى بيتها اللي بتستخبي فيه بكل  
تفاصيلها... من غير ما تخاف.

## الحمار والبنى آدم

وصرخ الحمار غضبا " يا بنى ادم "

تعريف الشتيمة هو انك توصف حد بصفة تقلل من شأنه بداية من

غبي لحد يا ابن ال... وزى ما تحب مكان النقط

بس فى شتايم انا معترض عليها بعيدا عن ان الشتيمة غلط فى حد ذاتها ومرفوضة.. يعنى فى شتايم مستفزة ليا ، معرفش ليه تعايشنا معاها على انها شتيمة زى اننا نشتم بعض بالحيوانات ، مع ان اللى خلقنا خلقهم ووضبهم احلى توضيب وباحلى اشكال وباجمل الوان

صحيح يعنى البنى ادم الحلوده اللى ربنا خلقه فى احلى صورة مخلوق فى يوم كامل بحساب زمن ربنا.. بس برضة الحيوانات ربنا خلقهم فى يوم كامل زى البنى ادم واهتم بتفاصيل تفاصيلهم وبدورة حياتهم وباشكالهم وبالوانهم وبمعايشتهم وبكل حاجة خاصة بيهم.. هو اه ربنا خلق الدنيا دى كلها عشان البنى ادم يبقى مبسوط ومرتاح بس مش معنى كدة انه ظلم الحيوانات مثلا.. بالعكس.. الطبيعى ان الكون كله يكون ماشى بنظام ما فيش فيه مخلوق مظلوم.. الكل يعيش مستفيد ويفيد.. دة المفروض يعنى

بس نرجع للنقطة الاساسية بقى.. يعنى ناخد مثال : مثلا نشتم  
بعض ونقول لفلان انه حمار

يعنى المفروض بناء على ان حمار دى شتيمه يبقى المفروض الشخص  
دة اعلى شأننا من الحمار وعشان عاوزين نشتمه ونقل من شأنه فنقوله يا  
حمار..

بس انا مثلا عمرى ما شوفت حمار بيكذب على اخوه الحمار.. ولا  
حمار بيعخون حمار.. ولا حمار بيعش حمار.. ولا حمار بيقتل الحمار  
اللى زيه اللى من لحمه ودمه.. ولا حمار بيسرق تعب ومجهود حمار  
تانى.. وبعدين الحمار كل يوم بيتعب وبيتشغل.. ومشوفتش حمار مثلا  
راح أدير كدة لصاحب الشغل فجأة وقاله الحمل ثقيل يا عمنا هو انتا  
هتبيع وتشتري فى اللى جابونا ويقوم سايبه ويدور على شغل تانى..  
بالعكس بيشيل ويبستحمل فى منتهى الصبر لحد ما يوصل.. مشوفتش  
حمار بيكسل فى شغله ويقول معلش اصل عندى وعندى.. واحنا استاذة  
ظروف.. ومسمعتش انه اعترض على نعمة ربنا فى يوم وقال كل يوم  
برسيم برسيم مافيش لحمة.. واحنا استاذة تمرد

وبعدين الحقيقة برضة ان فى مميزات كتير فى حياة الحمير مش فى  
حياة البنى ادمين.. يعنى اى حمار لما يحب حمارة معندوش اى مشكلة

فى انه يصارحها بتنهيقة والموضوع يخلص

لكن فى عالمنا الموضوع معقد..

يا إما يفضل يتكلم معاها بطريقة غير مباشرة وهى تفضل تستنى  
المصارحة لحد ما يطلع لها دليل من الانتظار.. يأما هو يصارحها وتقول  
هى بقى افكر وتنتقل وناسية ان فى مشكلة عنوسة طائلة نص بنات مصر  
ويوم ما ربنا يكرمهم والامور تمشى لبر الامان ويتخطبوا ، تلاقى  
المطلوب بقى منك خروجات وفسح وهدايا ، وبعد كدة تبدأ المرحلة  
الاحتر في الخطوبة من التجهيز للوازم الجواز من شقة وعفش ، ولو  
ربنا عداك منها كمان تتصدم بمرحلة ما بعد الجواز اللي مش عاوز اكتب  
عنها عشان منزودش فى ازمة العنوسة اكثر وابقى بشجع على التوحد او  
الرهينة او العزوبة

لكن كل دة مش موجود فى حياة الحمير لان الموضوع سهل والهدف  
واضح.. عاوزين جحش يملى عليهم الزريبة ويعيشوا مستورين

انا اظن لو الحمار عرف اللي بيحصل فى البنى ادم واللى بيعمله  
البنى ادم فى اخوه واللى بيشفوه البنى ادم عشان يعيش وعشان يحب  
وعشان يتجوز.. كان يوم ما حمار يزعل مع حمار تانى.. مع ان دة نادرا  
جدا لو حصل.. كان صرخ فى وشه وبمنتهى الغضب وقاله : " يا بنى ادم"

## الفهرس

|    |                             |
|----|-----------------------------|
| 5  | مقدمة                       |
| 7  | عالم زحل.. العالم الافتراضي |
| 11 | الله حاضر                   |
| 16 | الكائنة فى زحل              |
| 19 | جواده الخشبى يطير           |
| 22 | البرنس                      |
| 27 | المبهرين                    |
| 31 | الحياة حلوة                 |
| 33 | فن الاستهبال                |
| 38 | رسالة حب لم يبدأ بعد        |
| 41 | رسالة روح                   |
| 43 | انقسام                      |
| 47 | جوجل الواقع                 |
| 51 | عضلات فراشة                 |
| 55 | رجل من صنع الهوى            |
| 60 | عينيكى الحلوة               |
| 63 | الخنس والرفيع والجميلة      |
| 67 | الدوشة                      |
| 72 | الجميع يعرف كل شئ           |

|     |                            |
|-----|----------------------------|
| 75  | الفراق                     |
| 79  | اللغم                      |
| 83  | أجمل ضعف                   |
| 86  | القلوب الدافية             |
| 91  | النسخ القديمة              |
| 96  | انه لا يتألم               |
| 99  | ذكريات بطعم الشيكولاته     |
| 102 | فراشة السما السابعة        |
| 105 | عصفور بلكونتي              |
| 110 | مزيكا الرضا                |
| 114 | كن مجنونا ترى الوجود جنونا |
| 118 | السحر                      |
| 121 | العصفورة                   |
| 125 | هي وقمرها                  |
| 128 | الحمار والبنى آدم          |





عزيزي الكائن الأرضي

جرت العادة أن الغزو الفضائي يكون لكوكب الأرض لاكتشافه ولدراسة سكانه لكن أنا اللي بدعوك دلوقت للغزو الفضائي لكوكبي " زحل " لاكتشافي ودراستي.. وعلشان البنزين غلي فانا اللي قررت أخص المسافات وأشد الرحال وأجيك بنفسي الأول واعرض كوكبي عليك..

أحب أوضحك برغم كوني من كوكب مختلف عنك لكني أقرب ما يكون ليك.. أنا في قلب حواديتك وأفكارك ومشاعرك.. أنا مرايتك اللي بتعكس اللي جواك بس مع تفاصيل زيادة تهحب نفسك وقتها أكثر.. وعلشان كده أنا متأكد أنك هتبقى مستمتع بالغزو لكوكبي الخاص زحل وهتخرج من الكوكب لدائرة الأرض اللي حواليك بمنافع عظيمة ومن وقت للتاني تهحب تنتنفس من الدوشة والفوضى والعبث اللي بتقابله حواليك وهتروح بكل إرادتك لزحل..

مع الكائن الفايساوي القادم من زحل هتستمتع بقعدة فيها زاوية جديدة ومريحة من الروح والأفكار والمشاعر.. مستنيك .

